

M408: Jenaer Martyrologium

- 1r,1 – Januarius habet dies triginta unam . lunam – .
 1r,2 circumcisio domini nostri Jêsu Christi .
 1r,3 sancti Almachî martiris der wart enthoubetet
 1r,4 dâr umbe daz hê sprach “ez ist
 1r,5 hiute der ahtode tac gotes daz hê geboren
 1r,6 wart . hoeret ûf von deme bewollen
 1r,7 opfere der apgote .” sanctae Martinae virginis et martyr .
 1r,8 der was von hôhem geslehte unde vile rîche . unde
 1r,9 daz gap sie al den armen durch got . sie wart ûf gehalten
 1r,10 von deme keisere Alexandrô . unde geboten daz
 1r,11 sie opferen scholte dem apgote Apollini . dô sprach sie
 1r,12 ire gebet zuo gote . unde alzuohant wart die ertbibunge
 1r,13 alsô grôz daz die stat zuo Rôme zuo schüte wart . unde ein
 1r,14 teil der hiuser zuostoeret . unde der apgot zuobrochen . unde
 1r,15 vile der liute dâr ab gestorben . dô erzurnte sich . der keiser
 1r,16 unde gebôt daz man der heiligen maget antlitze zuoslüege
 1r,17 mit ôrslagen . unde ire wintbrâe al zuobræche . unde daz tâten
 1r,18 ahte man . unde die selben die daz tâten . die riefen unde sprâchen
 1r,19 sie sægen vier schoene man die di maget sterken . unde
 1r,20 dâr ab wurden sie bekârt . dô liez hê sie selben ouch hengen .
 1r,21 unde mit swerten zuorîten . unde dâr nâch sluoc man in
 1r,22 die houbet ab . dâ mite quâmen sie zuo gote . dô wart die
 1r,23 maget aber zuo der martere brâht unde nâh vile pînen zuo

 1v,1 lezzesten enthoubetet . sancte Gordiani martyr der wart enthoubetet . dô
 hê
 1v,2 scholte den apgot an beten . dô spîwete hê an daz antlitze des
 1v,3 apgotes . unde drîzic rittere wurden ouch gemarteret
 1v,4 durch got . sancti Fulgentiî episcopi .
 1v,5 4 . nonas . – . sancti . Stephani . sancti Macharî . et tertium
 1v,6 sanctorum Argeî . Narcissî . et Marcellini pueri . die wurden vile
 1v,7 bitterlîche geslagen vile lange in deme karkære verhungert .
 1v,8 unde zuo lezzesten an daz mer gesenket .
 1v,9 3 . nonas ianuarius . – . sancti . Johannis evangeliste . sancti . Anteros
 1v,10 – . der wart gemarteret . sancta Genefove virginis die wart von
 1v,11 sancto Germano episcopo gote gebriutet unde beleip an gotes
 1v,12 dieneste ahte unde zweinzic jâr .

- 2r,1 2 . nonas . ianuaris . – . sanctum Innocentum . sancti Titii apostoli . der
was sancte
- 2r,2 Paulus junger . unde wart von im zuo bischove gewîhet . unte hê
2r,3 ervollte triuwelîche der bredigær ambaht . unde nam schoene
2r,4 ende . Romae Dafrosae die was wîp sancti Fabiani martiris . unde nâh sîner
2r,5 martere wart sie gesant an ein ellende . unde dâr nâh wart
2r,6 sie enthoubetet . sanctus . Ferucius martyr .
2r,7 nonas . ianuaris . Rome natale Thelesphorius der was der sibende
2r,8 bâbest . nâch sancto Petro . unde nâh einlif jâren . unde drîn mândên .
unde
2r,9 zweinzic tagen wart hê gemarteret . unde sazte daz daz man
2r,10 sibên wochen vastet vore ôstern . unde daz man drî messen
2r,11 singet an der naht zuo wîhenachten . unde daz man gloria – excelsis
2r,12 zuo messen singet . item aput Antiochiam depositorum sancti Simeonis .
2r,13 der was von manigen tugenden . dô hê drîzên jâr
2r,14 alt was dô schouwete hê die wert unde quam zuo klôstere . dâ
2r,15 lebete hê alsô daz hê kûme an deme sibenden tage ezzen
2r,16 wolte . unde den lîchamen alsô pînigete daz hê umbe sîne
2r,17 lenden gegurt hatte ein seil von palmen . unde daz hê sich
2r,18 in einem brunnen beslôz . unde dâ wart hê ûz genomen und
2r,19 wider zuo klôstere brâht von sînen bruodern . unde dâr nâh vlôch
- 2v,1 hê heimelîchen in den walt . unde dâr nâch hatte hê sich manic
2v,2 jâr beslozen in einer sûl . unde en wolte von keiner vrouwen
2v,3 gesên werden . noch von sîner muoter . unde noch en mac kein
2v,4 vrouwe dâr in gân . unde ein vrouwe kleidete sich mit mannes
2v,5 kleidern . unde wolte dâr in gân . dô sie über daz drischûvel trat .
2v,6 dô viel sie zuo rügge unde starp . Jerusolime depositorum sancti
2v,7 Simeonis prophetae der unsen hêren Jêsum Christum an sîneme
2v,8 arme zuo tÊmpele brâhte . 8 . Idus . ianuaris . epiphania domini . et
passio . sanctae . Marthae virgini . dô
2v,10 sie wart von deme rihtære geslagen . unde an daz viur geworfen
2v,11 daz en schadete ir niht . dâr nâch wurden ir die bruste
2v,12 ab gesniten . unde an deme karkære gepînet . unde ûf scharpfen
2v,13 schermezzern . unde ûf kolen gewelzert . unde dô starp sie
2v,14 an ireme gebete .
2v,15 7 . idus . ianuaris . in diseme tage quam Jêsus Christus mit sîn
- 3r,1 muoter von Egipto . sancti . Luciani presbytri et martyr . der wart
gemartert
3r,2 durch den rehten gelouben . Antiochia beati cleri diaconi . der
3r,3 wart zuo sibên mâlen geslagen . unde an deme karkære gepînet .
3r,4 unde zuo lezzesten enthoubetet durch die liebe gotes .
3r,5 vi . idus . ianuaris . Neapoli Campaniae . sancti . Severini confessoris .
der
3r,6 was bruoder . sancti . Victorini . der vile tugenthaftic was . unde hê
3r,7 volgete sînem bruoder an den tugenden . unde dâr an starp hê
3r,8 v . idus . ianuaris . in Mauritania . sanctem Marciane

3r,9 virginis et martyr . apud Antiochiam sancti . Juliani
 3r,10 martyr . et sanctae Basilicae coniugis eius . die
 3r,11 lebeten manic jâr mit einander kiuschlîchen .
 3r,12 unde behielten gote ire magetuom . unde von irere habe
 3r,13 stiften sie zwei klôster daz sancte Julian zên tûsent mûnliche
 3r,14 abbet was . unde sancta Basilica muoter maniger megede . unde
 3r,15 dô sie die alle gesant hatte zuo gote an den worten ires gebetes .
 3r,16 unde mit sîezen siuftungen gap sie ire sêle gote . und
 3r,17 dâr nâch wart Julianus gevorderet von deme græven . unde alle
 3r,18 die kristene die zuo im gevlogen wâren durch die pîne . die
 3r,19 vienc hê alle mit im . unde brante sie alle an der stat sunder

3v,1 Julianum den behielt hê zuo grôzer pîne . unde an der stat dâr sie
 3v,2 gebrant wurden . dô erhôrte man zuohant von den engelen
 3v,3 mettene unde alle gezîte . unde dô daz sancte Julianus hôrte . dô
 3v,4 wart hê sêre geslagen . unde der ein die in sluogen der verlôs
 3v,5 sîn ouge . unde alzuohant wart iz im wider von sîneme gebete .
 3v,6 unde bekârte sich zuo gote . unde wart alzuohant enthoubetet .
 3v,7 unde dâr nâch brâhte man sanctum Julianum zuo der apgote hûse .
 3v,8 unde von sîneme gebete wurden sie al zuo pulvere . dâr nâch
 3v,9 bant man sancte Julianum mit îserînen banden . unde
 3v,10 ziehen durch die stat . dô her quam zuo der stat dâ des rihtærs
 3v,11 sun zuo schuole gienc . dô sach daz kint Celsius eine
 3v,12 grôze schar von wîzen kleidern umbe in . unde eine schoene
 3v,13 krône boben sîneme houbete . dô hê daz sach dô warf hê
 3v,14 daz buoch nider . unde die kleider die hê an hatte . unde quam
 3v,15 snellîche zuo sancto Juliano . unde warf sich vûre sîne vuoze .
 3v,16 des erquam alle die stat . unde kündigeten ez sînem vater .
 3v,17 unde sîner muoter . unde die quâmen mit grôzem jâmere . und
 3v,18 dô sie daz kint niht en mohten von im gesundern . dô
 3v,19 tâten sie iz mit im an den karkær . unde dâ wurden sie
 3v,20 mit gotelîchem geliuhte unde mit wunderlîcheme ruche getrôst .
 3v,21 alsô daz zweinzic rittere die ire huotære wâren dâr ab sich
 3v,22 zuo gote bekârten . unde zuo disen quâmen siben bruodere
 3v,23 mit dem priestere sancto Antonio an den karkær . unde toufeten

4r,1 daz kint unde die zweinzic rittere . dô liez der rihtær die
 4r,2 siben bruodere lange in deme karkær pînigen . unde zuo lezzesten
 4r,3 brante man sie . unde die rittere enthoubetete man . sanctem Antonium
 4r,4 den priester . unde sanctem Julianum . unde daz kint Celsius . und
 4r,5 sanctum Anastasium . den sancte Nikolaus von deme tôde erwakte
 4r,6 liez hê in eine siedente pfanne von beche werfen . unde
 4r,7 zuo lezzesten enthoubeten
 4r,8 4 . idus . Januarius . apud Thebaidem Pauli . primi . eremite der
 4r,9 was der êrste einsidel . unde von dem mâle daz hê sechzên jâr
 4r,10 alt was biz an sîn hunderteste jâr aleine was in dem walde .
 4r,11 unde vile dâ durch got leit . unde zuo lezzesten dô quam sanctus
 4r,12 Antonius zuo im . unde der guote got der im alle tage ein halp

4r,13 brôt sande bî deme rabene . der sande im dô durch sînes gastes
 4r,14 liebe ein ganz brôt . unde die wîle daz sie von ôtmüetigheit
 4r,15 zuosamene striten wer daz brechen solte dô teilte sich daz
 4r,16 brôt an ir beider hant . unde sancte Antonius sach wâ die engele
 4r,17 sîne sêle vuorten in der apostelen unde prophêten kôr . sancte Hyginû . der
 4r,18 was bâbest zuo Rôme vier jâr . unde sazte die pfafheit . aput
 4r,19 Cyprum beati Nycanoris der was ein von den êrsten sibem diâkenen .

4v,1 iii . idus . Januarius . aput Alexandriam sancto Petri . severi . lentii .
 4v,2 7 sancte honorate . viri . der werc geschriben sint . in Africa . sancti .
 Salvis
 4v,3 martyr . der wart gemartert
 4v,4 ii . idus . Januarius . aput Achaïam . sancti . Satyri . martyr . der gienc
 vüre einen
 4v,5 apgot . unde dô hê an den mit dem âteme geblâsen hatte
 4v,6 unde sich gezeichnenent hatte mit deme heiligen kriuze . alzuohant
 4v,7 viel hê unde zuobrach . durch die sache wart hê enthoubetet .
 4v,8 unde des selben tages wart gemartert sancte Arkadius der was
 4v,9 an der edelicheit unde an den tugenden grôz .
 4v,10 . idus . ianuarius . Romae via lavicana . coronae . dâ wurden vûnvzic
 4v,11 rittere gemartert . pictavis sancti Hilari episcopi et confessoris der was
 durch
 4v,12 den rehten gelouben vierzic jâr ellende zuo Frigia . unde under

5r,1 andern zeichnen liez hê einen tôten ûf stân . unde des tages ist
 5r,2 ouch zweier bischove tac . sancti Veri . et . sancti . Remigii . die bekârten
 5r,3 zuo Francia daz volc
 5r,4 – . calendae . Februaris . aput Nola campaniae beati felicitis presbyteri
 5r,5 der wart von sancto Maximianô dem bischove zuo priestere gewîhet .
 5r,6 unde dô der keiser gebôt daz man die kristene pînigen scholte .
 5r,7 dô vlôch sanctus Maximianus der bischof an den walt . wande
 5r,8 hê vorhte vore altære niht erlîden mohte . unde dô hê dâr
 5r,9 inne was von hungere unde von durste viel hê an die erden
 5r,10 als ein halp tôter . unde sancte Felix der wart gefangen unde gebunden .
 5r,11 unde an den karkær geworfen . und über mittenacht
 5r,12 dô quam der engel zuo ime . unde lôste im die bant unde sprach
 5r,13 “stânt ûf unde suoche den bischof unde brenge in in die stat . unde
 5r,14 behalt in dâr daz hê niht vore hungere verderbe .” unde dô suochte
 5r,15 hê in unde vant in vile kûme doch . unde alsô truoc hê in ûf
 5r,16 deme rügge zuo einer witewen hûse . unde die pflac sîn . dâr
 5r,17 nâh wart sancte Felix aber gefangen unde an ein ellende brâht
 5r,18 unde dâr machete hê eine vrouwe gesunt von der wazzersucht .
 5r,19 unde ire tochter lôste hê von deme übelen geiste . unde iren man
 5r,20 unde sie selben unde ire tochter toufete hê mit andern . unde nâh manigen

5v,1 pînen quam hê zuo gote .
 5v,2 – . calendae . februaris . Habakuc et Michae prophetarum der lîchame
 wurden

5v,3 bewunden von gotelîcher bewîsunge . iz ist ouch tac sancti Macharii
 5v,4 des abbetes unde der was junger sancte Antonius . und ouch
 5v,5 tac sancti Isidorî . der an der heilicheit sînes lebenes unde deme
 5v,6 gelouben unde an den zeichenen gelobet ist . und ouch sancte Berwaris
 5v,7 des bischoves . unde – Maurî des abbetes . unde –
 5v,8 Sulpicii des bischoves der von kinde gelârt von der heiligen
 5v,9 schrift was . unde an heiligem lebene was . unde ouch die wîle daz
 5v,10 hê werltlich was schein hê an manigen tugenden .
 5v,11 unde ouch vater der müniche was . unde dâr nâh zuo bischove gekoren .
 5v,12 unde alsô quam hê zuo gote .
 5v,13 – . calendae . februaris . Romae sancti Marcelli – . et martyr . der machete
 5v,14 kirchhove an dem wege Salaria . und seite vûnf unde zweinzic zeichen
 5v,15 in der stat zuo Rôme durch die toufe unde ruowe von den

6r,1 heidenen die sich bekêrten . unde der marterære bigraft unde der wart von
 6r,2 dem boten des keisers geslagen . unde von des antlitze den hê
 6r,3 berespente wart hê getriben unde nâh manigen pînen quam
 6r,4 hê zuo gote . et sancti honorati episcopi . et sancti – confessoris
 6r,5 – . calendae . februaris . in Egypto aput thebaidam sancti Antoni
 6r,6 der was ein münich . unde dâ maniger müniche abbet unde predigete
 6r,7 sunder der buoche lêre wîslîchen . unde lebete an grôzer heilicheit .
 6r,8 iz ist ouch tac sanctorum . Spensippi . Elasippi . et Melasippi .
 6r,9 dô sie wâren vûnf unde zweinzic jâr alt dô wurden sie gemarteret .
 6r,10 sie wurden gehangen an einen boum die hende
 6r,11 ûf gebunden . mit den vuozen nider gedenet . dâr nâch in daz viur
 6r,12 geworfen dô mohte iz in niht geschaden . unde an irem gebete
 6r,13 gâben sie ûf iren geist . dô diz sancta Jonilla sach . dô bekante
 6r,14 sie daz sie ouch kristen wære . unde alsô wart sie begriffen .
 6r,15 unde mit den locken ûf gehangen . unde mit manigen
 6r,16 pînen gemarteret . unde zuo lezzesten enthoubetet . iz ist ouch sancte
 6r,17 Marcellus tac eines bischoves .

6v,1 – . calendae . februaris . cathedra sancti Petri apostoli . dô hê allerêrst zuo
 Rôme
 6v,2 den stuol besaz . unde des selben tages ist sancti Publii episcopi
 6v,3 der wart durch got gemarteret . unde sanctae priscæ virginis . et martyr .
 et sanctorum
 6v,4 martyrum Mosei et Ammonii . die wurden zuo lezzesten nâh an
 6v,5 den pînen gebrant . et marcie et liberate virginum
 6v,6 – . calendae . februaris . in smirna sancti Germanicii . martyr . der wart
 6v,7 von eineme tiere cezzen . et sancti Ponciani . martyr . der wart gevîget
 6v,8 von deme rihtære wie sîn name wære . dô sprach hê von
 6v,9 sînen mâgen hette hê Poncanianus . sîn sunderlich name der wære
 6v,10 daz hê kristen hieze . dâr umbe liez hê in nacket machen .
 6v,11 unde mit gerten slân . biz daz bluot an der erden vlôz . dâr nâh ûf
 6v,12 glüejenten kolen gân . dô sprach hê “ich gê ûf disen kolen in deme
 6v,13 namen Jêsu Christî . dû lege dîne hant dâr in ob dû maht in
 6v,14 deme namen dînes apgotes .” unde dâr nâh wart hê an den karkær

- 6v,15 brâht zuo zwein mâlen . unde dâ wart hê von deme engele
 6v,16 gesterket unde gespîset mit himelischer spîse . unde ouch
 6v,17 vûre zwêne lewen geleet . die schadeten im niht . unde dâr nâh
 6v,18 ûf ein îserîn bette gedenet . unde sîn rûgge mit heizem beche
 6v,19 begozzen . unde zuo lezzesten enthoubetet . unde dâ mite quam hê zuo
- 7r,1 gote . et sanctorum martyrum . Marii . et Martae mit iren kinderen .
 7r,2 Audifax . unde Habakuc die wâren edel sie wurden ûf gehangen
 7r,3 unde geslagen . unde die negele unde hande abe gesniten unde an
 7r,4 daz viur unde daz wazzer geworfen . unde zuo lezzesten enthoubetet . unde
 7r,5 al verbrant .
 7r,6 – . calendae . februaris . Romae . sancti . Fabiani episcopi der teilte die
 dîâkenen
 7r,7 über die werlt . unde satzte siben dîâcones die schriben
 7r,8 der marterær leben . unde zuo lezzesten starp hê an deme karkære .
 7r,9 unde . sancte . Sebastianî der vol tugende was . unde starkte die marterære
 7r,10 an iren pînen . sanctorum Marcellianum et Marcum an der
 7r,11 gevangnisse . unde bekârte Nicostratum unde vile mit im . unde sîn
 7r,12 wîp Zoe die was stum unde wart sprechente von sîneme gebete .
 7r,13 unde dô diz der keiser vernam . dô liez hê in ûf daz velt
 7r,14 brengen . unde zuo eineme stocke binden . unde sînen lîchamen
 7r,15 mit pfilen vol schiezen . daz hê stuont als ein egel unde zuo
 7r,16 lezzesten alsô lange slân daz hê starp
- 7v,1 – . calendae . februarii . natale sanctae Agnetis . virgini . et martyr . die
 was in
 7v,2 deme drîzigesten jâre dô sie iren lîp durch got gap . sie wart
 7v,3 von eineme jungelinge liep gehabet . unde der brâhte ir vile zierheite .
 7v,4 unde gelobete ir vile mêt . unde daz verwarf sie allez durch
 7v,5 got . unde dô in daz niht en half . dô legete man ire vile pîne
 7v,6 an . unde übermuotes in ein grôz viur wart sie geworfen . dô zuoteilte
 7v,7 sich daz viur an zwei teil unde verbrante daz volc . unde
 7v,8 von irem gebete lasch daz viur . unde zuo lezzesten sankte man ir
 7v,9 ein swert an die kel . unde alsô starp sie . aput Athenas . sancti . Publii
 episcopi der wart durch got gemarteret . unde sanctorum
 7v,10 fructuosi episcopi . et augurii et eulogii . dyaconorum . die wurden
 7v,11 an den karkær geworfen . unde an daz viur . unde dô daz viur die
 7v,12 bant zuobrant hatte . dô legeten sie sich an kriuzewîse . daz
 7v,13 sie muosten gebrant werden . unde alsô sach man ire sêle gekroenet
 7v,14 zuo himele varen . et . sancti . patrocii martyr
 7v,16 – . calendae . februarii . in Hispaniis sancti Vincentii dyaconi et
 7v,17 martyr . der leit unmæzige pîne von Datianô . hê wart ûf gehangen .
 7v,18 unde gedenet alle sîne lide . unde alle sîn lîcham zuoslagen .
 7v,19 unde dâr nâh mit negelen al sîn lîp zuosniten unde ûf ein
- 8r,1 îserîn bette geleet unde geslagen . unde begozzen mit smalze
 8r,2 unde mit heizem smerwe . unde hê hatte an disen pînen ein vroelich
 8r,3 antlitze . unde einen starken geist . unde baltlîcher bekante hê Jêsum

- 8r,4 Christum . dô diz Datianus vernam dô gebôt hê daz man in bræhte
 8r,5 an eine vinstere stat dâr niht lichtes wære . unde dâr nâh zuobrochene
 8r,6 schermezzere unde scharpfere sper dâr in tæte . unde hê dâr
 8r,7 in lege wâ hê sich bekêrte daz hê pîne lîde . unde des nahtes
 8r,8 dô quam ein grôz licht . unde von gotes kraft wart hê lôs .
 8r,9 unde mit den engelen die sîner dâ hûeten lobete hê got alsô
 8r,10 daz sich die hûetære bekêrten . unde dô gebôt daz man in an ein
 8r,11 weich bette legete . dâr umbe daz hê sich ein wênic wider
 8r,12 erholete . unde in dâr nâh mêr gepîningen mohte . under des starp
 8r,13 hê dô gebôt hê daz man den lîcham wûrfe ûf daz velt vûre
 8r,14 die tier unde vûre die vogele . nû hê in niht mohte lebentic
 8r,15 verwinden . daz hê doch den lîcham pînigete . unde alsô wart
 8r,16 ein rabe von gote dar zuo huotære gesâzet . unde der verwîsete niht
 8r,17 aleine die vogele . sunder ouch einen grôzen wolf . dô wart Datianus
 8r,18 bevorht unde sprach . “nû ne mac ich in doch niht verwinden .
 8r,19 sunder ie mêr ich in pînige ie mêr ich in hêr mache .
 8r,20 unde ob in daz ertrîche niht verswenden mûge . sô werfe
 8r,21 man in an daz mer . daz die wazzer doch sîne sige behûeten”
 8r,22 unde alsô sankte man in mit dem swærsten steine an die tiefe
 8r,23 des meres . sunder gotes kraft der brâhte in aber über daz
- 8v,1 wazzer daz hê swam zuo dem stade . unde wart von gote an deme sande
 8v,2 begraben . unde daz offenbârte got in deme slâfe einer heiligen
 8v,3 witewen unde die bestatete in vile hêrlîchen . in Galliis civitate
 8v,4 sanctorum martyrum . Vincentii . Orontii . et victoris . et sancti Anastasii
 8v,5 monachi et martyr . der was ein mûnîch unde ein marterære von
 8v,6 Persida der wart – – nâh manigen pînen des karkæres von
 8v,7 banden unde von slegen die hê an Cêsarea geliten hatte von deme
 8v,8 keisere . zuo Persida ouch gemartert . unde zuo lezzesten enthoubetet mit
 8v,9 andern sechzigen . unde des selben tages ist sancte Vincentiî martyr et
 8v,10 – tac . unde sancti Epiphanii episcopi et confessoris .
 8v,11 – . calendae . februaris . Romae sanctae Emerencianae virgini . et martyr .
 die
- 8v,12 was sancte Agneten gespîle . unde dô sie quam zuo sancte Agneten
 8v,13 grabe . daz si sie ruochte zuo bewarnenne von der heidschaft dô
 8v,14 wart sie aldâ gesteinet . unde ouch zuo Mauritania sancti Severiani
 8v,15 et Aquilae die was sîn wîp . unde wurden gebrant durch got .
 8v,16 aput Philippis sancti Parmene der was von den sibem dîâkenen
 8v,17 einer der vollenbrâhte getriuwelîchen sîn ambaht unde
 8v,18 wart gemartert .
- 9r,1 – . calendae . februaris . aput Ephesum sancti Timothei apostoli der was
 9r,2 junger sancte Paules unde wart von im zuo bischove gewîhet unde
 9r,3 nâh manigen pînen quam hê zuo gote . aput Antiochiam sancti
 9r,4 Bâbillus episcopi der nâh manigen marteren quam zuo gote unde an einer
 9r,5 zît quam der keiser Julianus zuo sîneme apgote Apollini . unde dô hê im
 9r,6 opferte unde vile an im suochte unde kein antwûrte entvienc . dô
 9r,7 sageten die andern tiuvele daz des marteræres kraft sancti Babillî

- 9r,8 dâ bi wære dâr umbe en torste hê niht antwûren . alsô gebôt
 9r,9 hê den kristenen daz sie bræhten von im daz grap . unde sie
 9r,10 quâmen mit grôzer vrôuwede unde sunge an sînen ôren hôher stimme
 9r,11 durch sehs mîle . “geschant werden alle die die di apgote
 9r,12 ane beten .” unde alsô nâmen sie den sarc vroelîchen mit in . et
 9r,13 in Cesaria sanctorum martyrum . Mardoni . Musoni Eugeni . Metelli .
 9r,14 die wurden alle gebrant . unde ire gebeine an daz wazzer geworfen .
 9r,15 unde ouch ist drîer kinder tac . Urbanî . Pridiani . et Epolini .
 9r,16 – . calendae . februaris . aput Damascum conversio sancti apostoli . alsô
 hê
 9r,17 bekârt wart hê was der eine die sancte Stephane steinten .
 9r,18 wande hê hielt ir aller kleider . unde nû hatte hê die gewalt mit
 9r,19 den brieven entvengen swâ hê keinen kristen wunde daz hê

 9v,1 in tôtete . unde alsô in dem wege quam daz gotes licht ûf in . unde
 9v,2 die stimme Jêsu Christi sprach im zuo . unde alsô wart hê bekârt .
 9v,3 unde des selben tages ist sancti Ananiê tac . der sanctum Paulum toufete .
 9v,4 unde ouch sancti Preiecti der was ein bischof . unde marterære . mit
 9v,5 deme got vile guotes tet . dô hê in sîner muoter lîbe was . dô sach
 9v,6 sie wie ûz von irere sîten ein kint gienc . daz was genæjet an
 9v,7 rôsenware toufe . unde schoene von bluote . unde dâr an bekante daz
 9v,8 daz kint durch got gemartert solte werden . eines tages quâmen
 9v,9 zuo im vile dürftigen unde bâten almuosen . unde hê bekante daz
 9v,10 hê niht wenne zwêne pfenninge in deme sacke hette . dô
 9v,11 gebôt hê daz man im den sac bræhte . unde rief al die wîle Jêsum
 9v,12 Christum an . unde vant in deme sacke alsô vile goldes unde pfenninge
 9v,13 als dâ dürftigen stuont
 9v,14 – . calendae . februaris . natale sancti Policarpi der was ein bischof unde
 9v,15 dô hê vore deme rihtære stuont . unde hê im gebôt daz hê Jêsu
 9v,16 Christô allez laster spræche dô antwurte hê alsô . “sehs unde ahte
 9v,17 und zweinzic jâr habe ich im gedienet . unde hê en getet mir nie
 9v,18 kein leit . wie mohte ich mîneme kûninge übele gesprechen .
 9v,19 von deme ich alle sælicheit habe .” unde alsô gebôt hê daz man

 10r,1 in brante . unde dô sâgen wie sich der lohe über deme lîchame ûf
 10r,2 huop . unde als ein kamere umbe bôugete . unde den lîcham niht
 10r,3 entbrante . sunder hê schein als ein golt in deme viure . unde entvienc
 10r,4 alsô getânen ruch als wîrouch unde edele salbe . zuo lezzesten
 10r,5 dô die boesen daz gesâgen daz hê niht verbûren mohte . daz
 10r,6 man daz viur minnere machete . unde den lîcham mit deme swerte
 10r,7 durchstæche den daz viur niht verswenden mohte . unde dô man
 10r,8 daz tet dô vlôz daz bluot als übevrlüzziclichen daz daz viur gelasch .
 10r,9 unde mit im wurden zwelive gemartert . unde sanctus Germanikus
 10r,10 wart von eineme tiere cezzen . et sanctorum martyrum Theogenis . und
 10r,11 mit im sehs unde drîzic . die verkuren diz lîp vüre daz êwige
 10r,12 lîp . et sancti Sulpicii episcopi . et confessoris et martyris .
 10r,13 – . calendae . februaris . natale sancti Johannis episcopi . der wart geheizen
 Chrisostomus .

- 10r,14 et sancti Mauri der was ein abbet des leben vol tugende
 10r,15 was . unde zuo Bêthlêhêm dô starp sancta Paula . die was muoter Eustochii
 10r,16 – – . sie was von edeleme geslehte . unde verkôs die werlt
 10r,17 unde kârte al ire rîchtuom an arme liute . unde volgete gotes armüete .
 10r,18 unde stifte zuo Bêthlêhêm ein klôster von megeden . und
 10r,19 der muoter was sie . et sanctorum Cloti . Juliani . Vincentie . unde siben

 10v,1 unde zweinzic mit in .
 10v,2 – . kalendae . februaris . – sanctae Agnetis . et sanctorum Leuticii . Tyrsi
 . Kaleneti
 10v,3 martyrum . die wurden enthoubetet . aput Alexandriam sancti
 10v,4 Zirilli episcopi der vaht vüre den rechten gelouben . unde sancte Johannis
 10v,5 presbytri .
 10v,6 iiii . kalendae . februaris . Romae sanctorum Papiæ et Mauri die wâren
 rittere
 10v,7 unde dô sie gesâgen die stæticheit der marterære Saturnini . et Sisinii .
 10v,8 dô bekârtten sie sich zuo gote . unde dô gebôt der rihtær . daz man
 10v,9 iren munt dâr sie gote miete bekanten mit steinen unde –
 10v,10 – – mit hemeren scholte zuoslân . unde an den karkær werfen .
 10v,11 unde dâr inne wurden sie getoufet . unde nâh zwelif tagen nam man
 10v,12 sie dâr ûz unde strakte sie an die erden . unde sluoc sie mit kiulen .
 10v,13 biz daz sie sturben . Terveris sancti Valerii episcopi der was sancte Petrus
 10v,14 junger .

 11r,1 iii . kalendae . februaris . aput Antiochiam sancti hypoliti martyr .
 Iherosolimis
 11r,2 sancti . Mathiae episcopi der vile durch got leit . et sancti Alexandri der
 wart
 11r,3 von deme rihtære gebunden unde in den karkær geworfen . unde nâh
 11r,4 manigen pînen quam hê zuo gote . unde sanctem Altegunde virginem .
 11r,5 ii . kalendae . februaris . aput Alexandriam sancti Metrani – . deme gebuten
 11r,6 die heidene daz hê boese wort spræche . unde dô hê des niht
 11r,7 tuon wolte . dâr umbe sluoc man allen sînen lîp vol îserîner
 11r,8 knüpfle . unde sîn antlitze unde sîn ougen zuoreiz man mit scharpfen
 11r,9 negelen . unde triben in alsô gekriuziget von der stat . unde steineten
 11r,10 in biz daz hê starp . et sanctorum Tyrsi et Victoris . et sancti
 11r,11 Vigili episcopi et martyr . et sanctorum . Tarsi . Cotici . hammonimi et
 Publii
 11r,12 et sancti Julii confessoris .
 11r,13 februarii .
 11r,14 kalendae aput Antiochiam passio sancti Ignati episcopi et martyr .
 11r,15 der wart von den tieren cezzen . aput Smyrnam
 11r,16 sancti Pionii der nâh manigen pînen an den karkær

 11v,1 geworfen . dâr an hê vile bruodere zuo der martere starkte . zuo lezzesten
 11v,2 wart hê gekriuziget mit negelen . unde ûf ein burnente viur gesazt
 11v,3 unde alsô quam hê zuo gote . unde mit im vûnvzêne gemartert . und
 11v,4 – Efrem der was ein dîâken . unde sancti Pauli episcopi der wart

- 11v,5 gemartert . et sancti Policarpi episcopi . unde sancti Severi episcopi . unde sancte Brigidae
- 11v,6 virginis . die was von kinde an guoten werken . unde dô sie des vies
- 11v,7 pflegen scholte . dô gap sie daz gemolchen . den armen liuten . unde
- 11v,8 dô sie ire werch mit den andern ûf antwürten scholte unde sie niht
- 11v,9 en hatte . dô rief sie got mit trænen an . unde hê gap ir dô übervlüzzige
- 11v,10 butere . unde eines tages dô sie zuo hûse quam naz von reine .
- 11v,11 unde die sunne schein durch einen gater . dô hienc sie ire kleit
- 11v,12 ûf den schaten als ûf einen boum . unde ouch zuo einem mâle
- 11v,13 dô bâten die miselsühtigen bier von ir . unde dô sie neheinez
- 11v,14 en hatte . dô sach sie wazzer daz zuo dem bade gereitet was . unde seinete
- 11v,15 daz . unde gap iz in dô zuo trinkenne . wande iz zuo biere worden was .
- 11v,16 iii . nonas . februaris . in diseme tage opferte unse vrouwe sancte Mariê
- 11v,17 Jêsum Christum . in cesaria sancti Cornelii den sancte Pêter toufete .
- 11v,18 unde sanctorum . episcopii . Honorii . et sanctorum . Victoris . et Burkardi episcopi .
- 11v,19 et confessoris
- 12r,1 iii . nonas . februaris . in Sebasteâ civitate Capadociae . passio sancti Blasii
- 12r,2 episcopi der was in einem berge . unde dâ tet got vile mit im . dô tier
- 12r,3 quâmen zuo im unde hê machete sie gesunt . unde dô man in zuo gerihte
- 12r,4 brâhte in dem wege tet hê vile zeichene . unde ein vrouwe brâhte
- 12r,5 im ire kint . deme stakte ein bein in dem halse . unde daz seinete hê
- 12r,6 unde half im . unde ouch eine witewe quam zuo im unde hatte ein
- 12r,7 einic swîn unde daz hatte ir der wolf genomen daz klagete sie im
- 12r,8 unde der half hê daz ir der wolf iz wider brâhte . unde alsô quam
- 12r,9 hê vüre den rihtær . der liez in slân mit knütelen unde an den
- 12r,10 karkær bringen . unde an deme andern tage hienc man in an ein
- 12r,11 holze unde mit îserînen kemben zuoreiz man im alle sînen lîp .
- 12r,12 unde dâr nâh wart hê aber an den karkær brâht . unde dô man in
- 12r,13 hin zôch . dô quâmen sibem vrouwen die von im bekârt wâren
- 12r,14 unde volgeten im . unde nâmen daz bluot von der erden daz von
- 12r,15 im vlôz . unde gerten sîner martere teilhaft werden . unde alsô wurden
- 12r,16 sie zuo gerihte brâht unde manic pîne an geleet . sie wurden
- 12r,17 unde mit îserînen kemben zuorizzen . unde dô vlôz von iren wunden
- 12r,18 milch vore bluote . unde ire lîcham als ein snê . unde dâr nâh in einen
- 12r,19 glüejenten oven getân . unde dâ lasch daz viur . unde sie giengen
- 12r,20 dâr inne sunder schaden . unde zuo lezzesten wurden sie enthoubetet . dâr
- 12r,21 nâh wart sanctus Blasius geworfen an ein tief wazzer . unde dâr tet
- 12r,22 hê daz kriuze . unde wart . daz wazzer . under sînen vuozen als ein
- 12r,23 trucke ertrîche . unde dâ saz hê übermuotes unde sprach zuo dem volke
- 12v,1 “ob keine nendicheit sî an iuweren goten . sô gât an iren namen
- 12v,2 ûf diseme wazzer . unde bewîset ouch wie grôz ire kraft sî .” unde alsô
- 12v,3 giengen ahte unde ahte und zweinzic . in daz wazzer unde riefen irere
- 12v,4 gote helfe an . unde vielen alle zuo grunde . unde alsô gienc sancte Blasius
- 12v,5 durch daz wazzer in deme namen Jêsu Christî . unde zuo lezzesten
- 12v,6 wart hê enthoubetet mit zwein kindern .

- 12v,7 ii . nona . februaris . in civitate egypti . passio sancti Philee episcopi . et
philoroni .
- 12v,8 tribuni militum Romanorum die wurden alle enthoubetet . unde
12v,9 mit in unzallich volc der kristene . die alle vroelichen unde mit gesange
12v,10 die martere entviengen durch gotes liebe
12v,11 nonam . februarii . in Patras civitate ordinationam sancti Andreae
12v,12 apostoli . et sanctae Agatae virginis . et martyr . die was von edeleme
geslehte
12v,13 dô sie gevrãget wart von deme rihtære welich geslehtes sie
12v,14 wære . dô sprach sie sie wære gotes dierne . unde alsô liez hê sie ôrslagen .
12v,15 unde dâr nâh in den karkær bringen . dô gienc sie alsô vroelîchen
- 13r,1 als ob sie zuo grôzer wirtschafft geladen wære unde dâr nâh liez
13r,2 hê sie hengen . unde sêre pînigen . unde zuo lezzesten die bruste abe snîden
.
- 13r,3 dô sprach sie “ich vrôuwe mich an disen pînen . als der tete
13r,4 der den sehe des hê lange gegert hette .” unde dâr nâh wart sie
13r,5 aber in den karkær brâht . unde dar sande ir got sanctum Petrum sînen
13r,6 jungeren unde der machete sie gesunt . dâr nâh gebôt der rihtær
13r,7 daz man næme scharpfe schermezzet unde dâr under burnente kolen
13r,8 unde sie dâr ûf welzerte . unde dô wart die stat erweget . unde ein teil der
13r,9 want viel . unde erdruke sîne râtgeben . unde alsô vlôch der rihtær
13r,10 unde gebôt daz man sie in den karkær bræhte unde alsô nam got
13r,11 ire sêle . unde des selben tages sancti Aviti episcopi . et sanctorum Felicis
13r,12 et Saturnini .
13r,13 viii . idus . februaris . Romae via Appia passio sanctae Sotheris virginis .
13r,14 in Caesarea Capadociae sanctae Dorotheae virginis et Theophili . die wart
13r,15 mit zwein swesteren gemartert sie wurden gebrant . sancta Dorothea
13r,16 die wart an ein holz gedenet unde geslagen . unde zuo lezzesten
13r,17 enthoubetet . dô man sie brâhte zuo der pîne dô sprach ir Theophilus
13r,18 zuo in hônschaft . “eîâ dû gotes brût sende mir epfele
13r,19 von dem paradiso dînes briutegumes .” unde sie gelobete sie im
13r,20 alzuohant . unde dô sie quam zuo der stat dâr man sie enthoubeten
- 13v,1 solte dô bedâhte sie sich unde ladete zuo sich ein kint von sehs
13v,2 jâren unde sande im die epfele unde sprach “sage Theophilô Dorothea
13v,3 gotes dierne die sendet dir dise epfele von dem paradiso ires briutegumes .”
13v,4 unde alsô wart hê bekârt . unde gehangen . unde alsô unlîdelîche
13v,5 gemartert . daz allen den eiste die iz sâgen . unde zuo lezzesten enthoubetet
.
- 13v,6 unde ouch Antholiam martyr der wart gemartert . et sancti Vedasti
13v,7 episcopi . et confessoris . et sancti Amandi confessoris . mit deme tet got
vile
13v,8 wunders von kinde . hê toufete eines küniges kint daz hatte
13v,9 hê von gote erbeten . unde dô dâ nieman was der im hülfe sprechen
13v,10 “âmên .” dô antwurte daz kint selbe unde sprach “âmên .” unde iz en was
13v,11 niht wan vierzic tage alt . unde ouch ein blinde quam zuo dem
13v,12 wazzere dâ hê sîne hende ûz getwogen hatte unde wuosch sîn ougen

- 13v,13 mite unde wart sehente alzuohant . unde alsô tet got vile
 13v,14 zeichene durch in . unde quam zuo gote .
 13v,15 vii . idus . februaris . in Britanniis civitate Augusta sancti Anguli episcopi
 13v,16 et martyr . et sancti Moisetis episcopi der was zuo dem êrsten ein einsidel
 13v,17 unde dâ tet got vile zeichene durch in . dâr nâh wart hê bischov . unde
 13v,18 bekârte vile volkes zuo dem rehten gelouben . unde an den tugenden
 13v,19 quam hê zuo gote
- 14r,1 vi . idus . februaris . Romae depositio sancti Pauli episcopi . et Iulii papae
 .
 14r,2 aput Armeniam minorem sanctorum Dyonisii . Emiliani . et Sebastiani .
 14r,3 aput Alexandriam sanctae Cointae martyr . die wart von den heidenen
 14r,4 brâht daz sie die apgote an beten solte . umbe daz sie des
 14r,5 niht tuon wolte . dô wart sie gebunden umbe den hals . unde umbe
 14r,6 die vuoze unde alsô gezogen mit îserînen ketenen über stocke unde über
 14r,7 steine .
 14r,8 v . idus . februaris . in Alexandria sanctae Apoloniae virginis . der sluoc
 man
 14r,9 al ire zene ûz . unde dâr nâh warf man sie an ein burnentic viur . dô
 14r,10 sie ir dröuweten daz si sie lebentic an daz viur werfen wolten .
 14r,11 ob sie niht boese wort mit in spræche . dô bedâhte sie sich eine
 14r,12 wîle . unde spranc ûz von iren handen in daz viur . aput Cyprum
 14r,13 sancti Alexandrî . et hammonis unde ander sibben unde drîzic mit in .
 14r,14 iiii . idus . februaris . in campania sancti Silverani episcopi . et confessoris
 .
 14r,15 et in Bêthlêhêm passio sanctorum Andreae et sancti Traiani episcopi . et
 confessoris .
 14r,16 et Baldegundis abbate . et sanctorum martyrum Cotici . et aliorum
- 14v,1 trium . unde ouch ein maget die wart lange geôrslaget . unde zuo lezzesten
 14v,2 enthoubetet . unde zên rittere . iz ist ouch sanctem Scholastiken tac . die
 14v,3 was sancte Benedictus swester . unde zuo einem mâle dô hê mit ir saz
 14v,4 unde vile süezelîchen von gote gesprochen hatte unde von ir wolte
 14v,5 dô rief sie got an . unde dô liez hê iz alsô regen den daz hê belîben
 14v,6 muoste
 14v,7 iii . idus . februaris . aput Viennam sancti Simplidis episcopi . et confessoris
 14v,8 aput Lugdunum Desiderii . episcopi . et martyr . Romae Calocerii . et
 partheniae .
 14v,9 Alexandriae . sanctae Euphrasiae virginis . die was in eineme klôster
 14v,10 unde lebete dâ vile heiliclîchen mit grôzer vollenkomener rîchheit
 14v,11 unde an manigen zeichenen . et sancti Basiliani martyr
 14v,12 ii . idus februarii . in Hispaniis sanctae Eulaliae virginis . et martyr . die
 was
 14v,13 in deme drîzigesten jâre . unde die wart von eineme priestere
 14v,14 Adonato gelârt . daz sie gote bekennen solte . êr wan sie sîn verlougenete .
 14v,15 unde alsô quam sie selbe vüre den rihtær dô hê kristene
 14v,16 suochte unde sprach . “waz suoches dû die kristene unde gotes megede

- 15r,1 zuo verliesenne . got der hât mich gelârt an sîner wârheit . dû
 15r,2 ne maht mir mîne reinicheit niht benemen . noch mîne kintheit
 15r,3 verwinden .” unde nâh manigen worten liez hê sie slân . unde
 15r,4 mit siedenteme ôle ire bruste begiezen . dô sprach sie “dîn ôlei
 15r,5 unde dîn viur en hât mich niht gewarmt . sunder gotes minne die
 15r,6 schal mich wermen .” unde dô gebôt hê daz man sie ûf ein îserîn
 15r,7 bette nacket strakte unde sie mit blîwe begüzze dô wart daz blî kalt
 15r,8 ûf ir . unde brante die andern . dâr nâh brante man mit kerzen
 15r,9 ire kniewe . unde gôz ir senef in die nase . unde warf sie an einen
 15r,10 burnenten oven . unde dâ sanc sie inne vroelîchen gotes wort
 15r,11 mit lobe . unde zuo lezzesten wart sie enthoubetet . in Africa sancti
 15r,12 Damiani militis . in Alexandria sanctorum . Modesti . et Ammonii
 15r,13 infantium . Gregorii . papae . et sancti Simplitii episcopi . et confessoris .
 15r,14 idus . februarii . aput Antiochiam natale agabi prophetae . der was
 15r,15 ein propheta . unde sagete vile vore waz got noch tuon wolte . unde waz
 15r,16 geschên scholte . hê sagete sancte Paulus vore daz hê zuo Jerusalm
 15r,17 von den juden scholte gefangen unde gebunden . unde geslagen
 15r,18 werden . in militana civitate Armeniae sancti Poliocti
 15r,19 martyr . et beati Stephani episcopi .
- 15v,1 xvi . calendae . Marcii . Romae sancti Valentini der was ein priester . unde
 15v,2 nâh
 15v,2 manigen zeichnen die got durch in hatte getân . wart hê mit klüpfelen
 15v,3 geslagen . unde zuo lezzesten enthoubetet . unde des selben ist ouch sancte
 15v,4 Valentines tac . der was ein bischov unde bekârte vile volkes . unde
 15v,5 got tet vile zeichene durch in . ein kint was krumb alsô daz im daz
 15v,6 houbet ûf den kniewen lac . unde alle sîner lide keine gewalt hatte
 15v,7 daz machete hê gesunt . unde dâ von bekârte sich des kindes vater .
 15v,8 unde daz geslehte allez . unde alsô wart sanctus Valentinus gefangen . unde
 15v,9 mit knüpfelen geslagen . unde an den karkær brâht . unde zuo lezzesten
 15v,10 enthoubetet . unde die andern ouch enthoubetet . aput Alexandriam
 15v,11 sanctorum martyrum . Bassi . Antonii . Pertholici die wurden an daz
 15v,12 mer gesenket . unde drî wurden gebrant . unde zwêne enthoubetet
 15v,13 xv . calendae . Marcii . Romae sancti Cratoni . der was vater des kindes
 15v,14 daz sancte Valentinus gesunt machete hê brâhte im sîn kint alsô .
 15v,15 ob iz gesunt würde sô wolte hê sich toufen lâzen mit alle sîneme hûse .
 15v,16 unde alsô wart hê dâr nâh gemartert . aput sebastem sancti Blasii
 15v,17 episcopi der nâh manigen tugenden wart geslagen . unde an den karkær
 15v,18 brâht . unde an ein holz gehangen . unde mit îserînen kemben
 15v,19 sîn vleisch zuorizzen . unde zuo lezzesten enthoubetet mit zwein kindern
- 16r,1 unde siben vrouwen die sîne bluotes tropfen ûf viengen . wurden ouch
 16r,2 gemartert . unde ander vile wurden ouch gemartert
 16r,3 xiiii . calendae Martii . natale Onesimi apostoli den sancte Paulus zuo
 16r,4 bischove
 16r,4 machete . unde bevalh im die predigunge . der wart zuo Romae gesteinert
 16r,5 durch got . unde des selben tages wart gemartert sancta Juliana umbe daz
 16r,6 sie die apgote niht an wolte beten . unde ire reinicheit

- 16r,7 gote behalten dô wart sie geslagen mit vier gerten von sehs
 16r,8 ritteren daz sie al einzelnen sluogen . sie wart ouch ûf gehangen mit
 16r,9 den hâren zuo sehs stunten . unde ouch mit blîwe begozzen von deme
 16r,10 houbete biz ûf die versen . daz en schadete ir allez niht . unde dâ nâh
 16r,11 bant man ir ketenen umbe die lenden . unde brâhte dâ mite in
 16r,12 den karkær . unde all die wîle daz sie an deme gebete was dô quam
 16r,13 der tiuvel in eines engeles gelîchlîche zuo ir unde sprach . “mîn Juliana
 16r,14 der græve der bereitet dir di allerergeste pîne . nû hoere mich
 16r,15 swenne dû nû ûz dem karkære brâht wirdest alzuohant sô genc
 16r,16 unde opfere . sô maht dû die pîne vermîden .” dô sprach sie “wer bist dû .”
 dô
 16r,17 sprach hê “ich bin gotes engel . unde hê hât mich zuo dir gesant daz
 16r,18 dû opferes . unde niht en sterbes .” dô sprach sie ire gebet unde hôrte eine
 16r,19 stimme die sprach . “gehabe dich wole Juliana ich bin mit dir .
 16r,20 unde wile dich êren . unde halt den der mit dir sprichet . daz dû wizzes
 16r,21 wer hê sî .” alsô hielt sie in unde sprach “sage mir wer bis dû . unde wannen
 .”
 16r,22 dô sprach hê wer hê wære . unde sîne werc sagete hê ir . dô bant
 16r,23 sie im die hende zuo rügge . unde nam die ketene die sie umbe hatte .
 16r,24 unde sluoc in dâ mite daz hê rief . unde bat sie durch gotes martere

 16v,1 daz sie in entlieze . unde al die wîle ladete man sie ûz zuo gerihte
 16v,2 unde sie zôch den tiuvel mit ir . unde hê bat sie sêre daz sie in niht
 16v,3 machete zuo der liute spotte . unde sie zôch in durch den market . unde
 16v,4 warf in an daz hor . unde alsô sazte man sancte Julianam ûf ein rat .
 16v,5 von scharpfen îsenen daz stuont ûf zwein sûlen . unde alsô wart der lîcham
 16v,6 al zuoknüset . unde daz bluot vlôz von al iren liden . unde daz marc
 16v,7 von den beinen . unde alsô quam der heilige engel unde zuobrach daz
 16v,8 rat . unde die bant . unde alsô wurden vûnf hundert bekârt . unde die
 16v,9 wurden alle enthoubetet vûnf hundert mannes name . unde alsô sazte
 16v,10 man sanctam Julianam in einen topf mit burnentem blîwe . unde daz
 16v,11 wart ir als ein kalt bat . sunder dâr ûz spranc daz viur . unde brante
 16v,12 vûnf unde sechzic . unde zuo lezzesten gebôt hê daz man sie enthoubetete .
 16v,13 alsô quam sie zuo gote
 16v,14 xiii . calendae Martii . in Persidae natale sancti Polocronii episcopi deme
 wart
 16v,15 der munt mit steinen geslagen vore deme rihtære . unde hê huop sîne
 16v,16 hende unde sîn ougen ûf zuo gote . unde quam zuo gote .
 16v,17 xii . calendae . Martii . Iherosolimis
 16v,18 sancti Symeonis episcopi . et martyr . daz
 16v,19 sagete man hê wære gotes mâc
 16v,20 an sîner mennischheit . unde hê wart
 16v,21 gekriuziget dô hê was hundert
 16v,22 unde zweinzic jâr alt . et sanctorum martyrum Claudii et uxoris eius
 16v,23 unde ouch andere die wurden gebrant durch gotes liebe .

 58r,3 v . calendae . Augusti . zuo Rôme sancti Innocentius der was bâbest . zuo
 58r,4 Nicomedia sancti Pantaleonis der wart gelârt von Hermolaô

- 58r,5 dem priestere daz hê an got gelouben scholte . unde êr hê getoufet
 58r,6 wurde dô lôste hê ein kint von der slangen . und hê kündigete iz
 58r,7 dem priestere der lobete got und toufete in .
 58r,8 dâr nâh vrâgete hê sînen vater wâr umbe
 58r,9 sîne gote als unbeweglich wâren . “die stuonten sie gesâzeten sich
 58r,10 niemer . und die sich sazten die gestuonten niemer ûf . unde wie
 58r,11 mohten sie denne anderen gehelfen die in selben niht gehelfen
 58r,12 mohten” unde dâ mite bekârte hê in . unde alle die wîle quam ein
 58r,13 blinde den machte hê gesunt . unde der wart bekârt unde getoufet .
 58r,14 dâr umbe wart hê deme keisere Maximianô brâht . unde von im
 58r,15 wart hê an ein holz gehangen unde mit lampen gebrant . dô erschein
 58r,16 im got in des priesteres Ermolaî gelîchnisse unde sprach “en vûrhte
 58r,17 dich niht Pantaleon wande ich bin mit dir an allen den dîngen
 58r,18 die dû lîdes .” alsô luschen die lampen . unde der hende die in
 58r,19 pînigeten wurden durre . dâr nâh liez hê in werfen in eine siedente
 58r,20 pfanne mit blîwe dâ steic got mit im in und hielt in bî der
 58r,21 hant . dô lasch daz viur unde daz blî wart kalt . dâr nâh bant
 58r,22 man im einen stein zuo dem halse und sankte in in daz mer .
 58r,23 dô quam aber Christus unde leite in zuo deme stade . unde dâr nâh liez
 58r,24 hê in an ein dinc dâ hê alle die tier hin geladet hatte . und

 58v,1 die tâten im niht . alsô liez hê die tier toeten . unde alle die dâr ab geloubet
 58v,2 wâren worden . dâr nâh legete man in in den karkær . unde nâh drîzic
 58v,3 tagen bant man in ûf ein rat . dâr nâh was aber got mit im und
 58v,4 zuobrach daz rat unde sluoc vûnvzic mennischen tût . dâr nâh liez hê
 58v,5 Hermolaum unde zwêne mit im marteren . unde nâh manigen pînen
 58v,6 enthoubeten . und zuo lezzesten sancte Pantaleon ouch enthoubeten . dô
 58v,7 bôugete sich daz swert als ein wahs die in sluogen die wurden bekârt .
 58v,8 unde got der ladete in unde sprach “alle dîne gerunge sîn volbrâht
 58v,9 dir ist der himel offen . dîner beitet allez himelischez her die
 58v,10 krône bereit .” alsô quam hê zuo gote . unde sancti Peregrinî der was
 58v,11 priester . unde sancti Samsonis der was bischov . unde ouch sanctorum
 58v,12 Theophilî . und ander vier heiligen .
 58v,13 iiii . calendae . Augusti . zuo Rôme sancti Felicis der was bâbest der wart
 58v,14 enthoubetet . unde sanctorum Simplicî . Faustinî . unde Bêatrîcis die
 wurden
 58v,15 nâh manigen pînen enthoubetet . unde ire lîchame mit eineme steine
 58v,16 in daz wazzer geworfen . der lîchame wart vunden von gotes
 58v,17 gewalt und begraben von irere swester Bêatrîse . unde von zwein
 58v,18 priesteren . unde alsô wart sancta Bêatrîs zuo opfere brâht dô
 58v,19 sprach sie “ich bin kristen ich en opfere den tiuvelen niht .” dô
 58v,20 wart sie in den karkær brâht . dô sie an gotes lobe beleip . dô liez
 58v,21 hê sie des nahtes dempfen . alsô wart sie begraben bî irem
 58v,22 brudere . dâr nâh gienc der rihtær in daz selbe hûs dâ sie inne
 58v,23 begraben wâren . unde ein wîp suochte ire kint dâ . dô sprach daz
 58v,24 kint an der wirtschafft . “hoere Lucretî dû hâst mich getoetet . und

 59r,1 dû bist gegeben in der vîande gewalt” alzuohant wart hê bevangen

- 59r,2 unde starp . unde sancti Lupî der was bischov . unde sancti Prosperî
 59r,3 der was bischov .
 59r,4 iii . calendae . Augusti . zuo Rôme sanctorum Abdon et senes die wurden
 59r,5 gebunden unde in den karkær brâht . unde zuo opfere dô spîweten sie dem
 59r,6 apgote under die ougen . dâr nâh wurden sie vüre die tier geworfen . die
 59r,7 schadeten in niht . unde zuo lezzesten wurden sie enthoubetet . unde ire
 lîchamen
 59r,8 geworfen vüre den apgot . zuo Africa sanctorum Maximae .
 59r,9 Donatillae . unde Secundae . die wurden gepîniget mit hungere daz
 59r,10 man in noch brôt noch wazzer gap . dâr nâch mit ezziche unde mit
 59r,11 gallen getrenket . dise pîne sach ein kint Secunda . von zwelif
 59r,12 jâren die hatte vile vrîær durch got verkoren unde quam mit in
 59r,13 zuo gerihte ungeladet . unde dô man die zwô pînlîche sluoc . unde ûf
 59r,14 ire wunden bittere dinc sprengete . unde dâr nâh an ein holz denete .
 59r,15 unde ûf einen viurigen rôst legete . unde ûf ire houbet eine kole gluote .
 59r,16 dô wart Secunda ouch mit in vüre die türe geworfen . dô kusten sie
 59r,17 sich unde entviengen vroelîchen die pîne zuosamene . unde zuo lezzesten
 59r,18 dô in die tier niht en tâten . dô wurden sie enthoubetet . unde sancti
 59r,19 Ursî der was bischov .
 59r,20 ii . calendae . Augusti . zuo Caesarea sancti Fabiî der wart zuo dem êrsten
 59r,21 in den karkær brâht . unde dâr nâh enthoubetet . unde nâh driên tagen
 59v,1 wart der lîcham sunderlîche gepîniget unde daz houbet sunderlîche . unde
 59v,2 in daz mer geworfen aber sunderlîche zuo obene unde zuo lezzesten dô
 59v,3 quam daz houbet zuo deme lîchamen . unde der hals vüegete sich zuo
 59v,4 der ahselen rehte als ob iz nie gesundert wære . unde wart von gote
 59v,5 zuo dem stade brâht . unde von den kristenen begraben . zuo Africa
 59v,6 sanctorum Domekretiî . Secundî . Dionisiî . Tyrsî . unde sancti Germanî
 der
 59v,7 was bischov unde bihtær . dô in sîn muoter truoc dô wolte sie daz kint
 59v,8 in deme lîbe toeten . unde tranc vergiftnisse . und die en schadete im
 59v,9 noch ir niht . und hê was an den tugenden unde wart zuo abbete gekoren .
 59v,10 unde lebete vile heiliclichen . mit vasten mit wachen . unde mit
 59v,11 manigen guoten werken . unde got tet vile zeichene durch in . dô hê
 59v,12 ahte unte zweinzic jâr alt was dô quam hê zuo gote . unde sancti Ponthonis
 59v,13 der was priester .
 59v,14 calendae Augustus . zuo Rôme dâ wart daz münster
 59v,15 gewîhet in sancte Pêters êre . unde sîn ketene wart
 59v,16 dar brâht dâ hê mite gebunden was in deme
 59v,17 karkære von Herôdes dô in der engel lôste . Augustus
 59v,18 der hatte selben eine hôchzît an diseme
 59v,19 tage gemachet . unde hê hiez disen mândên nâch
 59v,20 ime Augustus wande hê sigevohten hatte dâr
 59v,21 an . unde dise hôchzît was allerjærlich bi sîneme
 59v,22 lîbe unde nâh sîneme tôde . und der kristene en mohte daz nieman
 59v,23 ab gelegen . dô quam Eudoria Augustî witewe . unde kârte dise
 59v,24 hôchzît an sancte Pêters êre . unde brâhte sîne ketene . unde sancti
 59v,25 Eusebiî der was bischov unde wart gemarteret . unde sancti Felicis dô

- 60r,1 hê gotes wort predigete dô wart hê gevangen unde mit knütelen
 60r,2 geslagen . unde in den karkær geworfen . unde dâr nâh die hende
 60r,3 unde die vuoze gebunden . unde âne spîse wurfen sie in an ein unreine
 60r,4 stat . dâr nâh wart hê gebunden mit starken ketenen . unde gezogen
 60r,5 durch die strâzen von wilden pferden . dâr nâh wart hê aber
 60r,6 in den karkær brâht . dâ erschein daz gotelîche licht . unde der engele
 60r,7 lop wart dâ gehôrt . zuo lezzesten liez man im alsô lange die hût mit
 60r,8 negelen ab ziehen unde pînigen biz daz hê gote sînen geist gap . unde
 sanctorum
 60r,9 Cyrilli . Aquilae . Petri . Domiciani . Rufi . Menandri . die wurden alle
 60r,10 an eineme tage zuosamene gekroenet . unde sanctorum . Verî . unde
 Nektarî die
 60r,11 wâren bischove . unde sanctae Justae die was maget . unde sancti Justî
 60r,12 der wart gemarteret . unde der siben bruodere mit irere muoter tac
 60r,13 ist . ouch die en wolten kein swînîn vleisch ezzen wider ire ê . dâr
 60r,14 umbe wurden sie vile pînliche gemarteret von deme künige
 60r,15 . iiii . nona . Augusti . zuo Rôme sancti Stephani der was bâbest
 60r,16 unde wart gemarteret hê bekârte vile volkes unde wart in der apgote
 60r,17 betehûse brâht zuo opferende daz zuobrach got mit donere von
 60r,18 sîneme gebete . unde zuo lezzesten wart hê geslagen vore dem altære dâ hê
 60r,19 al die wîle messe sanc . und sanctae Theodoraе mit iren kinderen
 60r,20 dâr umbe daz sie wolte ire reinicheit behalten . unde niht en
 60r,21 wolte nemen den græven . dô wart sie mit iren kinden gebunden
 60r,22 mit îsene . unde ire kint mit knütelen geslân vore ir daz hê
 60r,23 got bekante den starkte sie zuo der pîne . dâr nâh gebôt hê eineme
 60r,24 daz hê sie bewülle . unde dâr nâh sie bræhte under die gemeine wîp .

 60v,1 dô begonde im die nase zuo bluotenne . unde hê sprach “ich sê einen
 schoenen
 60v,2 jungelinc mit güldînen kleideren bî ir stân . von deme . entvienc
 60v,3 ich einen vûstslac an mîner nasen .” dô warf man sie in
 60v,4 ein grôz viur mit iren drîn kinderen . dô dankete sie gote daz hê
 60v,5 sie noch an deme lîbe noch an deme tôde von in gesundert hette
 60v,6 alsô quâmen sie zuo gote . und sanctorum Felicis und Necetî .
 60v,7 iii . nona . Augusti . Iherosolimis dâ wart vunden sancte Stephan
 60v,8 lîcham . und sanctorum Gamalieles . unde Nichodemî . unde Abibon der
 60v,9 lîcham wart ouch vunden die offenbârten sich einem priester
 60v,10 Lucianô . unde sancti Hermylos der wart gemarteret .
 60v,11 ii . nona . Augusti . sancti Aristarchî der was sancte Paulus junger .
 60v,12 unde was bischov unde nâh manigen pînen quam hê zuo gote .
 60v,13 zuo Rôme sancti Tertullinî der was priester und wart gevangen
 60v,14 von deme keisere und geslagen mit knütelen dô rief hê
 60v,15 “ich danke dir hêrre Jêsu Christe daz dû mich niht gesundert hâst
 60v,16 von dîneme knehte mîneme hêrren Olimpiô deme an der martere
 60v,17 vore gevorn ist .” dô liez hê ûf sîne sîten viur legen . dâr nâh
 60v,18 mit steinen sînen munt zuoslân . dâr nâh an ein holz denen
 60v,19 unde slân . unde mit viure burnen . unde zuo lezzesten enthoubeten . unde

61r,1 von sancto Stephanô wart hê vile lîplîche begraben . unde sancti Justî der
 61r,2 was bischov . unde dô hê manic jâr in deme walde angestlich gelebet
 61r,3 hatte dô quam hê zuo gote .
 61r,4 nonas Augusti . zuo Rôme sancti Hormisdæ der was bâbest . und
 61r,5 sancti Cassian der was bischov . unde sanctæ Afrae die hatte einen man
 61r,6 dîn wîs gewesen . und wart bekârt von sancto Narcissô dem bischove
 61r,7 unde getoufet mit iren zwein gesellen von im . unde ire muoter mit
 61r,8 al ireme ingesinde . dâr nâh wart sancta Afra zuo gerihte brâht .
 61r,9 unde nâh manigen smæhelîchen worten wart sie zuo lezzesten gebrant . dô
 61r,10 sie in deme viure stuont dô dankete sie gote . unde sprach “ich danke
 61r,11 dir hêrre Jêsu Christe daz dû mich hâst erkoren zuo eineme lebenden
 61r,12 dingen opfere . dû hâst dich vûre alle die werlt geopferet an deme
 61r,13 kriuze dû rehter vore uns ungerehten . dû guoter vore uns boesen .
 61r,14 dû gebenedieter vore uns gemaedîeten . dû sûezer vore uns
 61r,15 bitteren . ich opfere mich selben dir zuo eineme opfere .” unde an disen
 61r,16 worten quam sie zuo gote . unde sancti Oswaldî
 61r,17 der was küninc . und wart gemarteret .
 61r,18 viii . idus . Augusti . zuo Rôme sancti Sixtî der was bâbest unde wart
 61r,19 gemarteret . unde mit im zwêne diâkene Felicissimus unde Agapitus

61v,1 hê wart in den karkær brâht unde dâr inne lobete hê got mit alle
 61v,2 sîneme herzen . unde toufete unde lârte alle die zuo im quâmen . unde zuo
 lezzesten
 61v,3 bevalh hê sancto Laurentiô den schatz daz hê in den armen liuten mite
 61v,4 teilte . unde ime gelobete hê daz hê in nâh drîn tagen volgen scholte
 61v,5 an der martere . unde sanctus Sixtus wart an ein holz gehangen
 61v,6 unde zuo lezzesten enthoubetet . unde mit im Felicissimus unde Agapitus
 unde ander
 61v,7 vier diâkene . zuo Hispania sanctorum Justî unde Pastoris die wâren
 61v,8 bruodere die wurden gemarteret
 61v,9 vii . idus . Augusti . sancti Donatî der was bischov . unde hê bekârte
 61v,10 sancte Afram unde ire muoter unde tet vile zeichenes eines tages dô hê
 61v,11 messe sanc und die kristene gotes lîcham entviengen dô viel der
 61v,12 kelich von den heidenen die stiezen den diâken dô zuobrach hê al
 61v,13 mitalle . dâ wâren sie sêre umbe betruobet . unde nâmen die stücke
 61v,14 und brâhten sie im . unde hê machete in ganz mit sîneme gebete . dâr
 61v,15 ab wurden ahte unde sibenzic mennische bekârt unde getoufet . dâr nâh
 61v,16 wart hê gevangen unde zuo opfere brâht . unde sîn
 61v,17 munt mit steinen zuoslagen . unde Hylarianum den mûnich
 61v,18 vore im mit knütelen slân biz daz hê starp . unde sanctum Donatum warf
 61v,19 man in den karkær dâr tet hê vile zeichenes inne . unde zuo lezzesten
 61v,20 wart hê geslagen . unde an diseme tage wart sancta Afra gemarteret
 61v,21 von der zuo obene geschriben ist . zuo Rôme sanctorum Pêtri .
 61v,22 Julianæ . mit anderen ahtzênen die wurden alle gemarteret
 61v,23 durch die gotes liebe . und sancti Faustini mit anderen niunen
 61v,24 die wurden ouch gemarteret durch got .

- 62r,1 vi . idus . Augusti . zuo Rôme sancti Ciriaci unde sîner gesellen sie wurden
 62r,2 gehaben an diseme tage . zuo Vienna sancti Severi der was bischov
 62r,3 unde was an deme gelouben verbürndic unde quam zuo Vienna und
 62r,4 bekârte die heidene mit zeichenen unde mit predigunge alsô quam
 62r,5 hê zuo gote . unde sanctorum Ursacius . Nazarius . Juliani . unde Agapae
 die was
 62r,6 maget .
 62r,7 v . idus . Augusti . sancti Romani der was ein ritter unde wart von
 62r,8 sancto Laurentiô bekârt unde mit knütelen geslagen und zuo lezzesten
 enthoubetet .
 62r,9 und sanctorum Firmi und Rustici die wurden gemarteret . unde
 62r,10 sanctorum . Antonius . Tiburcius . Valeriani . und Dionisius .
 62r,11 iiii . idus . Augusti . zuo Rôme sancti Laurentius der was diâken
 62r,12 hê was von kinde kristen . dô hê sach sancte Sixtum
 62r,13 zuo der pine gân dô rief hê im nâh “war gês dû vater sunder sun
 62r,14 dînen .” unte hê trôste in lieplîche . dâr nâh dô hê vile zeichene und
 62r,15 guoter werke hatte getân . dô wart hê in den karkær brâht . dâ

 62v,1 machete hê vile blinden sênten . daz sach sancte Hyppolitus unde wart
 bekârt
 62v,2 unde getoufet mit alle sîneme hûse . dâr nâh wart hê geslagen mit knütelen
 .
 62v,3 unde gebrant mit lampen . unde nâh manigen pînen zuo lezzesten ûf deme
 62v,4 rôste gebrâten . zuo Rôme zwei hundert unde zwêne unde sechzic rittere .
 62v,5 unde Claudii . unde Severi . Crescentii . Romani . Januarii und siben
 62v,6 slæfære die wurden alle gemarteret
 62v,7 iii . – . Augusti . zuo Rôme sancti Tiburcii dô hê vile liute bekârt
 62v,8 hatte dô wart hê gefangen . unde kole wurden vûre in gegozzen . unde
 62v,9 wart einer geheizen daz hê wîrouch dâr in den apgoten würfe oder
 62v,10 selbe mit blôzen vuozen dâr ûfe gienge . alsô tet hê ein kriuze und
 62v,11 gienc dâr ûfe . unde sprach “mich dunket daz ich ûf rôsen unde bluomen
 62v,12 gê in deme namen Jêsu Christi” zuo lezzesten wart hê enthoubetet . und
 62v,13 sancte Susannae die was maget . und dô sie den apgoten niht opfern
 62v,14 wolte . unde ire kiuscheheit behalten wolte dô wart sie nacket
 62v,15 mit knütelen geslagen dô dankete sie gote unde zuo lezzesten wart
 62v,16 sie enthoubetet . und sancti Gangerici der was bischov unde got tet vile
 62v,17 zeichene durch in unde hê quam zuo gote .
 62v,18 ii . idus . Augusti . zuo Sicilia sancti Eupli der was diâken . unde

 63r,1 dô man in mit pînlichen slegen zuo der apgote opfer brâhte . dô sprach
 63r,2 hê “ich opfere mich selben deme vatere . unde deme sune . und deme
 heiligen
 63r,3 geiste .” zuo lezzesten wart hê enthoubetet . unte sanctae Hilariae die was
 63r,4 muoter sanctae Afren . dô sie zuo sancte Afren grabe betete mit iren
 megeden
 63r,5 Digna unde Eumenia . unde Euprepia dô wurden sie gebrant . zuo
 63r,6 Syria sanctorum . Macharii . Juliani .
 63r,7 idus . Augusti . zuo Rôme sancti Hyppolitî der wart gemarteret . hê

63r,8 wart mit steinen vüre den munt geslagen . unde gedenet an ein holz
 63r,9 unde mit knütelen und gerten gepînet . dô wart Concordia sîn
 63r,10 amme mit blîjînen kiulen geslagen vore im biz daz sie starp . und
 63r,11 alle sîn ingesinde enthoubetet . niunzên mennischen . unde sancto
 Hyppolitô
 63r,12 liez hê die vuoze zuo der wilden pferde halse binden . unde ziehen über
 63r,13 karten unde über dorne . alsô quam hê zuo gote . unde sancti Cassianî
 63r,14 dô hê die apgote niht an beten wolte . dô wart hê gevraget
 63r,15 waz ambahtes hê hette . dô antwurte hê daz hê schuolmeister
 63r,16 der kinder wære . und den wart hê gegeben mit gebunden handen
 63r,17 zuo rügge unde nacket . daz sie in pînigen scholten . unde die wâren
 63r,18 im alsô gram daz sie in marterten . mit tavelen sluogen sie in .
 63r,19 und sumelîche mit griffelen wundeten in alsô lange biz an den
 63r,20 tô . und sancti Vichbertî der was bischov und got tet vile mit
 63r,21 im zeichene beide an sîneme lîbe . und nâh sîneme tôde . eines tages
 63r,22 dô scholte hê messe singen . unde dâ en was kein wîn sunder den
 63r,23 man gotes lîcham niht gewîhen mac . dô gienc hê in den karkær

63v,1 unde vant eine wîntrûbele unde die druckte hê mit sînen handen in den
 63v,2 kelich . unde dâr nâh vant hê ein korn daz was zuodrukt daz legete
 63v,3 hê vüre die kirechen . und gienc unde sanc die messen . diz markte ein
 63v,4 bruoder unde vragete in waz hê gemeinet hette . dô sprach hê “ob mîne
 63v,5 werc gote anenæme sint daz schal nâh niun jâren offenbâr
 63v,6 werden .” alsô geschach iz daz von deme einigen korne alsô manic
 63v,7 wînstoc wuohs daz an alsô kleinen blechen alsô sich breite
 63v,8 daz sie dâr under sâzen . als under eineme dache und ander vile zeichene
 63v,9 tet got durch in
 63v,10 xix . calendae . Septembris . sancti Eusebiî der was priester unde bîhtær
 63v,11 der wart in eineme hiuselîne beslozen daz en was niht vier vuoze
 63v,12 wît . dâ starp hê an sîneme gebete . unde ahte heiligen tac ist ouch .
 63v,13 xviii . calendae . Septembris . an diseme tage starp unde vrouwe sancta
 63v,14 Maria . und wart vroelîchen von ireme lieben sune entvagen .
 63v,15 unde sancti Tarsiciî der was accolitus . dô hê gotes lîcham truoc dô
 63v,16 wart hê von den heidenen gevraget waz hê trûege . und sie dûhten
 63v,17 iz im wunderlich wesen daz hê den tiuren schatz in melden wolte
 63v,18 unde wart alsô lange mit knütelen und steinen geslagen biz daz
 63v,19 hê starp . unde dô entwunden sie niht in sînen handen von gotes
 63v,20 lîchamen . zuo Nicomedia sanctorum . Strationis Philippî und

64r,1 Euthicianî mit iren gesellen
 64r,2 xvii . calendae . Septembris . sancti Ursaciî der was bîhtær der liez von der
 64r,3 ritterschaft unde hielt einsidel leben in eineme zorne unde tet vile zeichene
 64r,4 hê verwîsete die vîande von den mennischen . unde die grôze slange sterbete
 64r,5 hê mit sîneme gebete . unde sancte Serenae . zuo Alexandria sanctorum
 64r,6 ôriônîs . Aemiliî . unde Ignatiî . zuo Persida sancti Tyrsî mit sînen gesellen
 .
 64r,7 unde sanctae Laurentiae die was ein maget . unde sancti Arnulfi der
 64r,8 was bischov unde got tet vile zeichenes durch in . einen miselsühtigen

- 64r,9 toufete hê der wart an lîbe und an sêle gesunt . alzuohant und aller
 64r,10 tugende was hê vol unde an den quam hê zuo gote .
 64r,11 xvi . calendae . Septembris . zuo Africa sanctorum Liberatî der was abbet .
 unde Bonifatî
 64r,12 der was dîâken . unde Serviî . und Rusticî . die wâren zuo der epistolen
 64r,13 gewîhet . und Rogatî und Septimî die wâren müniche . unde Maximî
 64r,14 der was ein kint die wurden mit îsene gebunden unde in den
 64r,15 karkær brâht . dâ starkten sie die kristenen dâr nâh gebôt der küninc
 64r,16 daz man daz schif mit holze vüllete und sie al gebunden dâr
 64r,17 inne brante . dô sie ire hende ûf büreten zuo gote dô lasch daz viur . unde
 64r,18 zuo lezzesten wurden sie als hunde geslagen . alsô quâmen sie zuo gote .
 64r,19 unde ire lîchamen wurden in daz mer geworfen . und an der selben
 64r,20 stunte quâmen sie wider zuo deme stade . unde von den kristenen wurden
- 64v,1 sie begraben . unde sancti Mammetis dô hê gotes verlougenen
 64v,2 niht en wolte . unde die apgote an beten . dô wart hê geknütelet
 64v,3 unde in einen burnenten oven gestôzen . unde dô quam der heilige geist
 64v,4 in einer tûben gelîchnisse zuo im unde laschte daz viur . unde der lohe wart
 64v,5 umbe in als ein kemerchen . dâ lobete hê got . dâr nâh wart hê vüre
 64v,6 die tier geworfen . unde die en ruorten in niergen . zuo lezzesten wart hê
 64v,7 gesteinert
 64v,8 xv . calendae . Septembris . sancti Agapitî dô hê was zwelif jâr alt dô
 64v,9 wart hê in den karkær brâht sunder spîse . dâr nâh wart sîn houbet
 64v,10 beschütet mit burnenten kolen . unde dâr nâh mit geiselen geslân . unde
 64v,11 nacket gehenget daz houbet niderwert unde dâr under bitteren
 64v,12 rouch gemachet . unde mit geiselen geslagen al die wîle unde geôrslaget .
 64v,13 unde siedente wazzer ûf sînen bûch . dâr nâh vüre die tier .
 64v,14 unde zuo lezzesten enthoubetet . unde sanctorum Johannis unde Crispî .
 und Firminî
 64v,15 der was bischov und bîhtær .
 64v,16 xiiii . calendae . Septembris . sancti Magnî und sancti Andreae mit sînen
 64v,17 gesellen zwêne unde tûsent unde niunzic . unde zwêne unde vûnvzic .
 64v,18 und sancti Donatî der was priester unde was von kinde vol genâden .
 64v,19 unde hielt der einsidele leben . und quam zuo im sîn abbet dô hê
 64v,20 sterben scholte deme was iz von gote geoffenbârt . unde an sîneme
- 65r,1 gebete quam hê zuo gote . und sancti Juliî der wart in den karkær
 65r,2 brâht . unde nâh drîn tagen zuo gerihte gebunden mit ketenen
 65r,3 brâht . und alsô lange mit knütelen geslagen biz daz hê starp unde
 65r,4 sancti Oriônîs der was bîhtær
 65r,5 xiii . calendae . Septembris . Samuelis der was ein propheta . des bein
 wurden
 65r,6 mit grôzen êren von den bischoven zuo Tracia brâht . und sancti
 65r,7 Porphiriî der sancte Agapitum lârte gotes lêre . zuo Alexandria sancti
 65r,8 Dioscoriî . unde sanctorum . Valencianî . Leontiî . und sancti Philibertî .
 der
 65r,9 was abbet . und got tet vile zeichene durch in unde ander vûnf heiligen .
 65r,11 xii . calendae . Septembris . sancti Privatî der was bischov . unde wart von

- 65r,12 den barbaren geknütelet und sêre gepîniget zuo lezzesten quam hê zuo
 65r,13 gote . unde sanctorum Bonosî und Maximianî die wurden gemarteret .
 65r,14 und sancti Anastasiî dô hê sach daz sancte Agapitus an sîner pîne
 65r,15 gote alsô turstlichen bekante . dô rief hê “der kristene got der
 65r,16 ist grôz . und âne in ist kein got” alsô wart hê ouch gemarteret . unde
 65r,17 sanctorum Juliî und Julianî . und ander sehse
- 65v,1 xi . calendae . Septembris . zuo Rôme sancti Thimoteî dô hê gotes wort
 geprediget
 65v,2 hatte unde vile volkes bekârt dô wart hê lange in deme
 65v,3 karkære gepîniget . unde wart geslagen drîes . und zuo lezzesten
 enthoubetet .
 65v,4 unde sancti Symphorianî der wart mit knütelen geslagen . dô hê den
 65v,5 apgot niht an beten wolte . unde in den karkær wart hê brâht . und
 65v,6 zuo lezzesten enthoubetet dô man in zuo der pîne brâhte dô sprach sîn
 65v,7 muoter zuo im . “sun . sun dûnes gotes gedenke unde hebe dûn herze
 65v,8 ûf . und sich an den der in deme himele rîchet . hiute wirdet dir
 65v,9 daz lieht niht benomen iz wirdet dir an
 65v,10 ein bezzerez gewandelet . vollenwones dû an deme
 65v,11 lobe des namen Jêsum Christî sô kumes dû hiute zuo der geselleschaft
 65v,12 der engele .” alsô quam hê zuo gote . unde sanctorum Marcialis .
 65v,13 Epicerî . Saturninî . Felicis unde Aprilis . mit iren gesellen . unde sancti
 65v,14 Antoniî dô hê die kristene marterete . dô sach hê einen jungelinc
 65v,15 stên mit eineme swamme unde entvienc daz bluot daz von
 65v,16 den sîten der marterære schôz . sanctorum Eusebiî . Poncanianî . Peregrinî
 .
 65v,17 unde Vincentiî . dô sie gehangen wurden unde geslagen . dô sprach hê
 65v,18 “wærlîchen Jêsus Christus den sie predigen der ist ein wâr got .” unde quam
 65v,19 heimelîchen zuo Rufinô deme priestere unde wart getoufet . unde quam
 65v,20 wider zuo bekennenne gote . unde hê wart enthoubetet . und sanctorum
 65v,21 Marinî . Meilardî . und Emilianî mit sînen ahtzên kinderen .
 65v,22 x . calendae . Septembris . sanctorum Donati . Restituti . Valeriani .
 Fructuosae
 65v,23 mit anderen zweliven die wurden gemarteret . zuo Antiochia .
 65v,24 und sancti Theoe . und sancti Zacheî der was bischov . unde
- 66r,1 – sanctorum Minervî und Eleazarî mit siben kinderen wurden alle
 66r,2 gemarteret . und sanctorum Thimoteî unde Apollinaris der wart vile
 pînliche
 66r,3 geslagen . unde sîne wunden wurden mit ezziche besprenget . und
 66r,4 dô man sanctum Thimoteum alsus marterete . dô was sancte Apollinaris
 66r,5 der eine der in marterete . der sach zwêne engele stân zuo sîner sîten
 66r,6 die sprâchen “wir sîn geseinet daz wir dich Jêsum Christum wîsen durch
 des
 66r,7 namen dû dise pîne lîdes .” dô sach den himel offen hê . unde Jêsum
 66r,8 Christum zuo sînes vateres sîten und eine krône an sîner hant . von golde
 66r,9 unde von edeleme gesteine und sprach . “Thimotee dise krône schalt dû
 66r,10 entwâhen an deme dritten tage von mir .” dô viel Apollinaris im

- 66r,11 zuo vuoze . und sprach offenbâr waz hê gesên hatte . alsô gebôt
 66r,12 der rihtær daz man im siedente blî in den munt gûzze . und daz
 66r,13 wart in sînem munde als ein îs dâr ab wurden vile liute bekârt .
 66r,14 dô brâhte man sie beide in den karkær dâ wart Apollinaris getoufet .
 66r,15 unde dô sach hê den himel offen . und hôrte den engel sprechen .
 66r,16 “sælic bist dû unde alle die die in dirre naht getoufet sîn . die schulen
 66r,17 morgen in dem paradîse wesen .” dô wurden sie alle zuo deme gerihte
 66r,18 brâht . und sprâchen offenlîche wenne iz got gelobet hatte des
 66r,19 nahtes . alsô wurden vûnvzic alzuohant enthoubetet . unde dô man
 66r,20 Thimoteum unde Apollinarem enthoubetete dô wart ein stimme
 66r,21 gehôrt “kumet mîne vile lieben ich wile iuch wîsen waz ir verdienet
 66r,22 habet” alsô wurden sie von gote entvngen .
 66r,23 ix . calendae . Septembris . zuo India sancti Bartholomei der was gotes
 66r,24 junger dâ was ein apgot in deme was ein tiuvel der machete
- 66v,1 die siechen gesunt alsô sie wanden . dô sanctus Bartholomeus quam dô en
 66v,2 half hê niemanne mêr noch en sprach niht dô vrâgeten den anderen
 66v,3 apgot waz ireme apgote wûre . dô sprach hê hê wære gebunden mit
 66v,4 viurînen ketenen . daz hê noch geætemen noch gesprechen mohte
 66v,5 von dem mâle daz sancte Bartholomeus dâr in quam . unde dâ wîsete
 66v,6 hê al sîn geschefnisse wâ bî sie in bekennen mohten . alsô rief ein
 66v,7 gevangener “Bartholomeus der burnet mich mit sîneme gebete .” alsô
 66v,8 wîsete hê in . und dô daz der kûninc vernam . dô bat hê ouch vûre sîne
 66v,9 tochter . und die loesete hê . und bekârte den kûninc und al sîn ingesinde .
 66v,10 unde gebôt deme tiuele der in dem apgote was daz hê allez sagete
 66v,11 wie sie die liute betrogen hetten . unde gebôt ime daz hê alle die apgote
 66v,12 selbe zuobræche . alsô wurden sie getoufet . unde daz betehûs wart
 66v,13 gewîhet von dem engele . dô diz des kûninges bruoder vernam . dô liez
 66v,14 hê in vâhen und mit knütelen slân . dâr nâh wart hê gevillet . und
 66v,15 zuo lezzesten enthoubetet . und sanctorum . Massae und Candidae und
 66v,16 driu hundert
 66v,17 die wurden alle gebrant
 66v,18 viii . calendae . Septembris . zuo Rôme sancti Genesi der wolte die kristene
 66v,19 zuo spotte haben und deme keiser Diocletianô ein spil machen .
 66v,20 von den kristenen eines tages dô legete hê sich als ob hê siech wære
 66v,21 vore allem volke . und bat die toufe mit disen Worten . “eiâ ich
 66v,22 gevûele daz ich bin alsô swâr ich wolte gerne lîhter werden .” dô
 66v,23 antwûrten im sîne liute “wie mûgen wir dich lîhter gemachen . ob
 66v,24 dû swær bist . sîn wir smæhe” und dise wort . und andere smæhelîche
 sprâchen sie dem volke zuo spotte dô sprach hê “ir unsinnigen ich”
- 102v,1 xix . calendae . Januarii . zuo Alexandria sanctorum . Heronis . Arseni .
 102v,2 Isidori . und Dioscori . dô sie wâren zuo gerihte brâht . dô liez hê
 Dioscorum
 102v,3 der was zwelif jâr alt allerêrst pînigen mit Worten .
 102v,4 dâr nâh mit slegen . dâr nâh pînlicher wande hê stæte an deme gelouben
 102v,5 beleip . dâr nâh wurden die anderen gebrant . zuo Antiochia sanctorum
 102v,6 Drusi . Zosimi . und Theodori die wurden gemarteret . und sancti Nicasii

- 102v,7 der was bischov . und wart enthoubetet . und Spiridionis
 102v,8 der was bischov . und got tet vile zeichene durch in .
 102v,9 xviii . calendae . Januarii . zuo Africa sancti Valerianî der wart ûz
 102v,10 von der stat aleine getriben . daz nieman en wiste vore hê quam
 102v,11 und dô hê mêr denne ahte und zweinzic jâr alt was . und lange alsus
 102v,12 jâmeric und nacket hatte gewanderet . dô quam hê zuo gote .
 102v,13 und sancti Maximî der was ein priester und lebete vile heiliclichen .
 102v,15 xvii . calendae . Januarii . iz ist gehugenisse der drîer kinder Ananiae
- 103r,1 Azariae . Misahelès daz sie Nabuchodonosor in einem burnenten ovne
 103r,2 liez besliezen . und sancti Adonis der was bischov . und sancti
 103r,3 Valentinî . und Concordiî die wurden gemarteret .
 103r,4 xvi . calendae . Januarii . sancti Ignatiî der was bischov . der wart
 103r,5 vile pînliche gemarteret . zuo dem êrsten wart hê vûre die tier geworfen
 103r,6 dâr nâh wart hê gebunden zuo Rôme gesant . und dâ wurden sîne
 103r,7 schuldæren mit blîjînen kiulen zuoslagen . dâr nâh sîne sîten mit negelen
 103r,8 zuorizzen . und mit scharpfen steinen zuoslagen . dâr nâh die hende
 103r,9 mit viure gevult . und mit burnentem ôle begozzen . und
 103r,10 die sîten gebrant . und under sîne vuoze glüeiente kolen geschütet .
 103r,11 und daz vleisch mit negelen zuorizzen . und mit ezziche und mit
 103r,12 salze die wunden begozzen . und mit îserînen banden gebunden .
 103r,13 und die vuoze in deme karkære an eineme holze beslozen
 103r,14 und dâ en az hê noch en tranc drî tage niht . zuo lezzesten wart
 103r,15 hê vûre die lewen geworfen . dô sprach hê “ich bin gotes korn
 103r,16 und schal von den zwein lewen gemalen werden . daz ich ein
 103r,17 schoene brôt müge werden Jêsu Christô .” alsô quam hê zuo gote .
 103r,18 und sancti Lazarî den Jêsus Christus von deme tôde hiez ûf stên .
 103r,19 und vûnvzic marterære tac ist ouch .
- 103v,1 xv . calendae . Januarii . sanctorum Rufinî und Zosimî die wâren von
 103v,2 den êrsten kristenen und wurden gemarteret . und sancti Canzianî
 103v,3 der was bischov . und sancti Moisetis der wart gemarteret .
 103v,4 xiiii . calendae . Januarii . zuo Egipto sancti Nemesiî der wart deme
 103v,5 rihtære brâht als hê ein mordær wære . dâr nâh wart hê gezigen
 103v,6 daz hê kristen wære . und wart dô mit den mordæren gebrant .
 103v,7 und leit daz vroelichen durch den got der durch unse liebe muotwillen
 103v,8 den schæchæren wolte bî hangen . und sancti Avitî der
 103v,9 was abbet . und vol des heiligen geistes .
 103v,10 xiii . calendae . januarii . sanctorum Ammonis Zezionis . Ptolomeî .
 103v,11 Ingeniî . Theophili . dô sie stuonten under dem volke dô ein kristen
 103v,12 stuont zuo gerihte . und daz sâgen daz hê von vorhten gotes
 103v,13 wolte verlougenen . dô pînigeten sie ire herze . und mit ireme
 103v,14 antlitze und iren ougen . und handen . und mit al iren lieden
- 104r,1 buten sie sich dâ zuo daz sie in ûf büreten . und zuo lezzesten êr sie gezigen
 104r,2 wurden bekanten sie sich kristene wesen . und wurden alzuohant
 104r,3 mit im gemarteret .
 104r,4 xii calendae . ianuarius . zuo Mesopotamiae sancti Thomae der was

104r,5 gotes junger und predigete gotes wort . dô in got zuo India senden
 104r,6 wolte dô erschein hê im des nahtes . und sprach “en vürhte
 104r,7 dich niht ich wile mit dir wesen . und wile dich êren . und zuo
 104r,8 lezzesten wile ich dich wider zuo mir nemen .” und des morgenes
 104r,9 dô quam ein amman des küniges von India . und gienc an deme
 104r,10 markete . zuo deme quam Jêsus Christus und sprach “waz wilt dû koufen
 104r,11 oder waz wirbes dû .” “mîn hêrre der küninc von India hât
 104r,12 mich gesant her . daz ich im brenge einen listewercman der
 104r,13 im ein palas bûwe .” dô sprach Jêsus Christus “ich habe einen getriuwen
 104r,14 kneht den ich zuo maniger stat gesant habe . den
 104r,15 wile ich mit dir senden” dô wart hê vile vrô . und viel im zuo
 104r,16 vuoze und kuste sîne kniewe . und dankete . alsô gap hê Thomam
 104r,17 an sîne hant . und giengen alsô quâmen an daz schif . und quâmen
 104r,18 bin drîn mândên zuo India . dar man bin drîn jâren kûme
 104r,19 mohte kumen . dô sie quâmen dô was dâ grôze brût louft der
 104r,20 küninc vergap sîne tohter und Thomas und Abanes dise
 104r,21 selben boten wâren ouch dâ . und daz volc sach sie an als zwêne
 104r,22 pilgerîme die sie gesên hetten . under des gienc die sengærinne
 104r,23 dâr umbe . und besanc alle die dâ wâren . und quam
 104r,24 zuo sancto Thomas . und sach daz hê noch niht az noch en

104v,1 transc . sunder daz hê sîn ougen ûf gebüret an den himel hatte und
 104v,2 sie ouch daz vernam daz hê hêbrêisch was und got ane betete
 104v,3 dô sanc sie im êbrêische . “iz ist ein got der hêbrêischen der himelrîche
 104v,4 und ertrîche hât geschaffen .” dô hê daz hôrte dô bat hê sie
 104v,5 daz sie die wort der wârheit dicker sünge . alsô quam der truhtsæze
 104v,6 und gap im einen ôrslac daz hê alsô sæze und niht en æze
 104v,7 noch en trünke . dô sprach hê zuo im “iz ist bezzer daz iz dir an
 104v,8 diseme lîbe werde ab genomen . denne an jeneme lîbe dâ es kein
 104v,9 ende wirdet . und die hant dâ dû mich mite geslân hâs die
 104v,10 schal von den hunden her in brâht werden .” und daz vernam
 104v,11 nieman sunder die sengærinne aleine wande hê sprach iz hêbrêische .
 104v,12 alsô gienc der truhtsæze ûz daz hê wazzer holet . unde
 104v,13 der lewe beiz in . und die hunde âzen sîn vleisch . und ein hunt
 104v,14 brâhte sîne hant an die wirtschafft . und dô erquam daz volc .
 104v,15 und die sengærinne viel im zuo vuoze . und kuste sie und sprach
 104v,16 zuo den liuten . dirre mennische ist ein prophêta oder gotes apostel .
 104v,17 allez daz hê gesprochen hât daz ist vollenbrâht . wande hê
 104v,18 sprach zuo deme truhtsæzen dô hê in sluoc zuo dem ôren . “ich
 104v,19 en stê niht ûf biz dise hant von deme hunde wirdet her in
 104v,20 brâht .” alsô bat der küninc in daz hê sîne tohter seinete mit
 104v,21 irem briutegume . und daz tet hê und bekârte sie daz sie an irere
 104v,22 reinicheit beliben beide . und den küninc und al sîn ingesinde
 104v,23 bekârte hê ouch . und dâr nâh brâhte Abanes sancte Thomam
 104v,24 zuo deme künige . und hê vrâgete in ob hê im mohte
 104v,25 gebûwen ein palas . dô sprach hê hê mohte wole . und wîsete
 104v,26 im welicher wîs . alsô gap hê im unmæzigen schatz dâ zuo
 104v,27 und den gap hê allen armen liuten . und witewen und weisen

- 104v,28 und bûwete kirechen . und machete vile pfaffen . und von gote
 104v,29 vile volkes . und predigete und machete die siechen gesunt . und nâh
- 105r,1 zwein jâren dô quam der küninc und sach niht des hê gebûwet
 105r,2 hette . und liez in mit Abane gebunden in den karkær werfen .
 105r,3 und wolte sie lâzen villen und scheren . sunder daz sîn bruoder
 105r,4 sterben wolte dâr umbe vriste hê iz alsô starp und wart im
 105r,5 sînes bruoderes palas gewîset daz sancte Thomas hatte im gemachet .
 105r,6 und an deme vierden tage stuont hê von deme tôde ûf . und
 105r,7 sprach zuo sînem bruoder . “den mennischen den dû dâhtes zuo villende
 105r,8 und zuo burnende der ist gotes vriunt und der engel dienet
 105r,9 im . mîn sêle wart von im brâht an den himel und gewîset
 105r,10 dîn palas . und ist alsô gebûwet alsô dich Thomas hatte gewîset .
 105r,11 daz hê iz wolte machen . und allez von edelen steinen
 105r,12 und ich wunschte daz ich dâ torwarte wesen muoste . dô wart
 105r,13 iz mir von gote gegeben . daz ich wider kumen scholte und
 105r,14 iz dir ab koufen scholte . wande dû es niht en ahtes . und dir
 105r,15 alsô vile schatzes wider gæbe . als dû dâr gegeben hattest .” alsô
 105r,16 rante hê zuo deme karkære zuo sancto Thomae . und lôste in unde
 105r,17 wart mit sînem bruoder getoufet von ime . und vile zeichene tet
 105r,18 hê . tôten liez hê ûf stên . und blinden machete hê gesênten . und
 105r,19 siechen machete hê gesunt . und bekârte vile volkes . und die bevangen
 105r,20 mit dem übelen geiste lôste hê . zuo lezzesten nâh manigen
 105r,21 guoten werken leit hê ouch manige pîne . von kerkeren
 105r,22 von viure . und zuo lezzesten wart hê von den ritteren mit speren
 105r,23 gewundet biz an den tôten . alsô quam hê zuo gote . und sancti Memmi
 105r,24 der was bischov . und under anderen zeichenen liez hê einen
 105r,25 tôten ûf stên . und sanctorum . Johannis . und Festi die wurden gemarteret
 105r,26 ouch durch got .
- 105v,1 xi . calendae . ianuaris . zuo Rôme wurden drîzic marterære gemarteret
 105v,2 von Diocletianô . zuo Alexandria sancti Cirionis der wart gemarteret
 105v,3 dô hê eines gewaltigen mannes guot warte dô wart hê von im getwungen
 105v,4 daz hê den apgoten opferen scholte . und dô hê es niht
 105v,5 tuon wolte . dô legete hê im manige pîne an . dâr nâh besuochte hê in
 105v,6 mit listen . und dô hê in niht überwinden mohte dô liez hê im
 105v,7 mit scharpfen âlen durch die âderen stechen . alsô quam hê zuo gote .
 105v,8 und ouch vile marterære die in deme walde und in den bergen
 105v,9 von durste und von hungere sturben . und alsô quâmen sie zuo
 105v,10 gote .
 105v,11 x . calendae . ianuaris . zuo Rôme sanctae Viktoriae die was maget
 105v,12 dô sie was gebriutet Eugeniô eineme heidene dô wart sie gebeten
 105v,13 von Aurelianô daz sie wolte râten Anatholiae daz sie in næme
 105v,14 zuo einem briutegome . alsô bekârte Anatholia Victoriam . und verkôs
 105v,15 beide dise irdische wünne durch got . und quâmen zuo
 105v,16 der martere . und Viktoria wart nâh manigen pînen enthoubetet .
 105v,17 zuo Rôme sancti Servuli von deme sancte Grêgôrius schrîbet daz
 105v,18 hê arm wære an deme guote . und rîche an den tugenden und

- 105v,19 gedultic an langer suoche an der quam hê zuo gote . zuo Nicomedia
 105v,20 wurden vile gemarteret . zuo Rôme sanctorum . Eugeniû . Eleutheriû .
 105v,21 Urbanî . Corneliû . Traianî . Castulae . und ander ahte hundert
 105v,22 und drîzic .
- 106r,1 ix . calendae . ianuaris . iz ist heilic âbent daz got geboren wart .
 106r,2 zuo Antiochia wurden vierzic megede gemarteret . und sancti Grêgôriû
 106r,3 der was priester . und wart mit zankehten knütelen geslagen .
 106r,4 daz sîn rügge zuobrach . dâr nâh wurden im die hende und die
 106r,5 vuoze gebunden . und ûf einen rôst geleget und gebrâten . alsô wart
 106r,6 die ertbibunge und dâ viel ein want . und erdrukte driu hundert
 106r,7 heidene dâr nâh wart hê in den karkær brâht . und dâ wart
 106r,8 hê von den engelen getrôst . dâr nâh wurden im mit îserînen karten
 106r,9 die kniewe zuorizzen . und die sîten mit lampen gebrant . dô sprach
 106r,10 hê zuo deme rihtære . “alsô dû alle mînen lîp verderbes . sô ist
 106r,11 doch bî mir Jêsus Christus der oberste arzât der alle mîne wunden
 106r,12 heilet .” dâr nâh wart hê enthoubetet . und sîn lîcham vüre die tier
 106r,13 geworfen . und die beruorten in niht . und sanctorum Donatî . Drusi .
 106r,14 und ander drî heiligen mit in .
 106r,15 viii . calendae . ianuaris . Jêsus Christus gotes sun wart von sancte
 106r,16 Marien geboren zuo Bêthlêhêm an deme anderen und vierzigsten
 106r,17 jâre des keiseres Augustî . und nâh Danieles prophêtien was iz die
 106r,18 sehs und sechzigste woche daz hê daz vore gesait hatte daz
 106r,19 got geboren scholte werden es sîn ouch vûnf tûsent jâr . und eines
 106r,20 jâres minner denne zwei hundert jâr daz Adâm geschaffen
 106r,21 wart . und an der sehsten zît Jêsus Christus wart geboren an dirre
 106r,22 naht . sanctae Anastasiae die was maget die wart in deme karkære
 106r,23 lange beslozen von irem briutegome . und dâ wart sie getrôst
 106r,24 und gesterket von sancto Crisogônô . dâr nâh von deme græven
- 106v,1 Illiricô in eineme anderen karkære vile pînliche verhungert . dâ
 106v,2 wart sie von sancte Theodoren gespîset mit der himelischen spîse
 106v,3 zwêne mânden . dâr nâh wart sie in ein schif geleget dâ zwei
 106v,4 hundert mennische inne wâren daz sie sie ertranken . dâr nâh an
 106v,5 ein holz gedenet mit henden und mit vuozen . und umbe sie ein
 106v,6 viur gemachet . alsô quam sie zuo gote . under den allen was einer
 106v,7 der hiez Euthicianus deme wart alle sîne habe genomen wande
 106v,8 hê rîche was . dô sweic . und en dâhte noch en vorhte niht .
 106v,9 sunder wie hê dise zuogancliche habe verlûre . und als dicke
 106v,10 als hê gevîrget wart sô ne sprach hê niht . wane “Christum mac
 106v,11 mir nieman genemen . ouch swer mir daz houbet nimet .” alsô
 106v,12 nam Apollonia den lîchamen sancte Anastasiae und kuste in . und
 106v,13 bewant in mit edelen wurzen . und begruop in mit grôzen
 106v,14 êren . zuo Rôme sanctae Eugeniae die was maget . und nâh manigen
 106v,15 guoten werken wart ir ein stein zuo dem halse gebunden
 106v,16 und in daz wazzer geworfen dô ir daz niht en was . dô wart sie
 106v,17 zuo lezzesten enthoubetet und von den kristenen begraben .
 106v,18 vii . calendae . ianuaris . sancti Stephanî der was der êrste marterær

106v,19 nâh gote in deme selben jâre dô Jêsus zuo himele gevaren
 106v,20 was . dô sancte Stephanus vol des heiligen geistes was dô
 106v,21 sach hê an den himel . und sach Jêsum Christum den die juden gekriuziget
 106v,22 hatten . stên zuo sînes vateres rechter sîten eben hêr und eben
 106v,23 gewaltic . und gelîch . und kniewete nider und bat vûre die die
 106v,24 in steineten . und bevalh ouch gote sîne sêle . und sancti Zosimî

107r,1 der was bâbest und lebete vile heiliclîchen und ist begraben bî
 107r,2 sancto Laurentiô .
 107r,3 vi . calendae . ianuarius . sancti Johannis der was gotes junger
 107r,4 und ein evangelista . hê was ahte und sechzic jâr alt an ertrîche .
 107r,5 nâh unses hêrren gotes himelvar . und dô hê was ahte und
 107r,6 niunzic jâr alt dô erschein im Jêsus Christus mit sînen jungeren .
 107r,7 und sprach “kum mîn trût zuo mir . wande es ist zît daz dû kumes
 107r,8 an mîne wirtschaft . und dâr gesâzet werdes mit dînen
 107r,9 bruoderen .” alsô stuont hê . alzuohant ûf und wolte im volgen . dô
 107r,10 sprach unse hêrre . “an deme ôstertage dâr an ich ûf erstuont der
 107r,11 nâch vûnf tagen ist sô salt dû zuo mir kumen” an deme sunnentage
 107r,12 quam hê in die kirechen . und ladete daz volc . und von der
 107r,13 êrsten hanekrât biz zuo mitten morgenzît predigete hê . und
 107r,14 manete daz volc und sanc messe . und gap dem volke gotes
 107r,15 lîcham . und liez bî deme altære eine gruobe graben . und dâ
 107r,16 steic hê in . und huop sîne hende ûf zuo gote und sprach . “geladet
 107r,17 kume ich zuo dîner wirtschaft . und danke dir daz dû
 107r,18 mich ruoches zuo ladende zuo dîner wirtschaft . wande dû daz
 107r,19 wole weist daz ich von herzen dîn geget habe .” und dô hê
 107r,20 gebetet hatte . und daz volc âmên sprach . dô quam ein liuhtnisse
 107r,21 ûf in alsô grôz daz in nieman an gesên mohte eine
 107r,22 ganze stunte . und dô seinete hê sich und sprach . “dû bist aleine
 107r,23 mit mir Jêsus Krist .” und legete sich in daz grap . und
 107r,24 opferte gote sînen geist sunder alle pîne des tôdes . zuo Rôme
 107r,25 sancti Dionisiû der was bâbest sehs jâr . und zwêne

107v,1 mândên . und vier tage .
 107v,2 v . calendae . Januarii . zuo Bêthlêhêm wurden kinder gemarteret
 107v,3 von deme künige Herôdes . dô hê von drîen künigen vernam .
 107v,4 daz Christus geboren wære . und hê daz sach daz die drî künige
 107v,5 niht wider zuo im quâmen . dô liez hê al die kinder toeten
 107v,6 under den hoffete hê ouch daz hê Christum toeten mohte .
 107v,7 iiii . calendae . Januarii . iz ist tac des küniges Dâvîdes . der ouch
 107v,8 vol des heiligen geistes was . und got vile mit im und durch
 107v,9 in getân hât der tihte den salter . und got wîsete im alsô vile
 107v,10 sîner heimelîchheit daz hê wolte geboren und gemarteret werden .
 107v,11 und ûf erstên . und allez daz hê ie getet und noch tuon wile .
 107v,12 an deme jungesten tage . daz hât hê allez an den salter geschriben .
 107v,13 und got sprach von ime . “ich habe vunden einen man .
 107v,14 nâh mînes herzen willen .” und ouch sancti Trophini der was
 107v,15 bischov und bihtær . und sancti Crescentis der was sancte Paulus

- 107v,16 junger . und sancti Florentiî der was bischov . und sancti
 107v,17 Thomae der was bischov und wart geslagen von den ritteren
 107v,18 vore deme altære . und got tet vile zeichene durch in . blinde
 107v,19 wurden gesênte . und von sînem bluote wart ein stummer
- 108r,1 sprechente und ander vile zeichene .
 108r,2 iii . calendae . Januarii . sanctorum Sabinî der was bischov . und
 108r,3 Exuperantiî und Marcellî die wâren dîâkene . die wurden mit
 108r,4 deme græven Venustianô . und mit sîner hûsvrouwen . und mit
 108r,5 iren kinderen gemarteret . Sabinus der wart gevangen von
 108r,6 Venustianô mit Exuperantiô . und Marcellô . und vile pfaffen .
 108r,7 und brâhte im sînen apgot . den hatte hê gekleidet mit güldînen
 108r,8 kleideren . daz hê in an beten solte . dô nam hê in und
 108r,9 rief got an . und der apgot viel an die erde und zuobrach . dô daz
 108r,10 Venustianus gesach dô liez hê im die hende und die hende ab
 108r,11 snîden . und Marcellum und Exuperantium mit knütelen slân
 108r,12 und an daz holz denen . und mit negelen den lîcham zuorîzen .
 108r,13 und die sîten burnen mit lampen alsô quâmen sie zuo gote . und
 108r,14 ire lîchamen liez hê in daz wazzer werfen . und ein vischær
 108r,15 nam sie ûz . und begruop sie mit grôzen êren . und Sabinum
 108r,16 liez hê in den karkær werfen . und eine kristen witewe
 108r,17 pflac sîn . und brâhte iren niuwen Priscianum zuo im und der
 108r,18 was blint . dô legete hê sîne strumpfe ûf sîn ougen und hê
 108r,19 wart alzuohant sênte . dô daz die hûetære sâgen dô wurden sie
 108r,20 bekârt und einlif mennische toufete hê . dô daz Venustianô wart
 108r,21 gekündiget . dô sande hê sîne hûsvrouwen mit iren kinden
 108r,22 zuo im . und liez in brengen zuo sîneme hûse . und im swuren
 108r,23 die ougen daz hê noch ezzen noch getrinken mohte . alsô
 108r,24 viel hê im zuo vuoze mit trænen und mit sîner hûsvrouwen
- 108v,1 und mit iren kinderen . und bat hê daz hê sie toufen wolte . und
 108v,2 alzuohant dô hê ûz von der toufe quam . dô geuolte hê keines
 108v,3 wêtagen an den ougen . dô daz Maximianus vernam . dô liez hê
 108v,4 Venustianum mit sîner hûsvrouwen und mit sînen kinden
 108v,5 enthoubeten . und Sabinum alsô lange slân biz an den tôten . alsô
 108v,6 quâmen sie zuo gote .
 108v,7 ii . calendae . Januarii . zuo Rôme sancti Silvestris der was bâbest
 108v,8 und was von kinde kristen . und an guoten werken dô hê was
 108v,9 drîzic jâr alt . dô wart hê zuo dîâkene gewîhet . von deme bischove
 108v,10 Melchiade . und dâr nâh zuo bâbeste erkoren . und dâr an lebete
 108v,11 hê vile heiliclichen . und got tet vile durch in . und hê bekârte
 108v,12 und toufete vile volkes . alsô quam ein bote daz man die kristene
 108v,13 twînge zuo opfernne den apgoten . und sancte Silvester mit sînen
 108v,14 pfaffen vlôch an den berc Soracte . und dâ diene hê gote . Constantinus
 108v,15 der was dô keiser . und wande hê vile kristene getoetet
 108v,16 hatte . dô wart hê malâtes von gotes urteile . und wande im
 108v,17 nieman gehelfen mohte . dô liez man holen über al die werlt
 108v,18 kinder . daz man in in ireme bluote badete . alsô quâmen die muotere

108v,19 schrîente und weinente . und der keiser hôrte den liut .
108v,20 und gebôt daz man in die kinder wider gæbe . und vile gâbe
108v,21 mite . daz sie mit alsô grôzer vröuwede in ire lant wider kêrten .
108v,22 als sie mit grôzeme jâmere kumen wâren . in der naht
108v,23 quam sancte Pêter und sancte Paul zuo im in deme slâfe und
108v,24 sprâchen “wir sîn Pêter und Paul . und wande dû dise barmherzicheit

109r,1 hâs bewîset an den kinden sô sîn wir dir gesant von
109r,2 gote . daz wir dir râten wie dû gesunt werdes . nû hoere unse
109r,3 manunge und tuo nâch unseme râte . sancte Silvester des ist an
109r,4 dem berge . wande hê vlôch dîn gebot . den lâz holen zuo dir . unde
109r,5 der schal dir wîsen ein wazzer als dû drîes wirdes dâr in gestôzen .
109r,6 zuo deme dritten mâle wirdes dû gesunt . sô schalt dû dîneme loesære
109r,7 Jêsu Christô danken dâ mite daz dû über al die stat zuo Rôme
109r,8 die kirechen wider makes . und dû schalt dich reinigen von
109r,9 den apgoten . und einen got an beten Jêsum Christum” dô sande
109r,10 hê alzuohant nâh sancto Silvestrî und saite im allez waz im got
109r,11 bewîset hatte dô dankete hê gote und toufete in . und dô hê ûz
109r,12 von der toufe steic dô wart hê gesunt . und an deme êrsten
109r,13 tage sîner toufe gap hê die ê daz alle die stat zuo Rôme disen
109r,14 got an beten solte . der in gesunt gemachet hette . an deme anderen
109r,15 tage gebôt hê daz alle die deme gote kein laster buten
109r,16 die solte man pînigen . an deme dritten tage swer den kristenen
109r,17 laster bûte daz man deme daz halbe teil sînes guotes nemen
109r,18 solte . an deme vierden tage daz der bâbest houbet wesen
109r,19 solte . und alle bischove und priestere in zuo rihtære haben
109r,20 solten . an deme vünften tage daz alle kirechen daz reht haben .
109r,21 von deme tage daz sie gewîhet sîn . swelich mennische dâr
109r,22 in vliehe . daz im sîne vîande niht en schaden en turren . an deme
109r,23 sehsten tage daz nieman eine kireche bûwen sal sunder
109r,24 sînes bischoves urloup . an deme sibenden tage gap hê den
109r,25 zehenden alle sînes künincriches . daz man gotes hûs mite
109r,26 bezzerte . an deme ahtoden tage dô hê die wîzen kleider ûz tet
109r,27 dô quam hê zuo . sancto Petrô gesunt mit grôzer ruowe . daz hê
109r,28 alsô manigen gemarteret hatte . und klagete gote alle sîne
109r,29 missetât und lebete dâr nâh an manigen guoten werken .

109v,1 und stifte vile kirechen . und zierete sie . sancte Silvester der
109v,2 was bâbest . und sancte Columbae die was maget . und nâh
109v,3 manigen pînen . von viure und von anderen sachen wart sie
109v,4 zuo lezzesten enthoubet . und sanctorum Sabinî und Potentianî
109v,5 die wurden von den apostelen zuo predigenne gesant . und
109v,6 wurden dô gemarteret durch gotes liebe .